

PROCEEDINGS OF THE FIRST AND BUDGET SESSION OF THE MIZORAM
LEGISLATIVE ASSEMBLY HELD AT THE ASSEMBLY HALL FROM 21ST
JUNE, 1978 TO 4TH JULY, 1978.

8th Sitting on 4th July, 1978.

Pu Thangridema, Speaker on the Chair, Chief Minister,
4 Ministers and 23 Members.

LIST OF BUSINESS

1. Short Notice Questions

- 1) Pu C.L.Ruala to ask Short Notice Question No. 1 regarding Grant-in-aid for Small Scale Industries and Minister i/c Industries Department to give answer.
- 2) Pu C.Vulluaia to ask Short Notice Question No. 3 regarding Approved Newspapers for Government Advertisements and Minister i/c Information, Public Relations & Tourism Department to give answer.

Government Business

2. Further discussion and voting on Demands for Grants, 1978-79.

Pu F.Malsawma, Minister to move Demand Nos.19,28 and 37 for 1978-79.

3. Introduction, consideration & Passing of Government Bill.

Pu Lalhmingthanga, Minister i/c Finance to move

- (a) that leave be granted to introduce 'The Mizoram Appropriation Bill, 1978';
- (b) if leave granted, to introduce the Bill;
- (c) that the Bill be taken into consideration;
- (d) that the Bill be passed.

SPEAKER : July ni 4, 1978 ni hian kan Assembly inkhawma 'chu kan lo tan leh ang a. Programme danin vawin hi kan hun hnukung ber a ni tawh a. Chuvangin vawina kan tihtur te pawh tih zawh theih hram kan tum ang a.

A hmasa berin a bul tan nan Short Notice Question ah kan tan ang a. List of Business-ah khan member zawng zawngte pawhin in hmuh ka ring a. No. 1-ah khan lo tan ta ila, Pu C.L.Rualan Short Notice Question No. 1 a rawn tan ang a. Chutah Minister chhang tura tihten an rawn chhang ve ang a. Amaherawhchu Short Notice Question-ah hian dan pangngai ang chuan member dangte hi sawitir kher lo

pawhin a tih theih a. Chuvang chuan ni danga Speakerin hun a hawn ang tehchiam a zau tak hun a awm loh pawhin, chu chu member ten in lo hriat lawk a ngai ang.

Short Notice Question-ah hian a zawttuin a zawt a, a chhangtuin a chhan hi, lehkhawua awm danah chuan kal dan pangngai a ni mai a ni. Amaherawhchu Speaker-in supplementary question engemaw awm thei ang turah hun a hawn chuan hun a hawn ang chiahin observe kan tum dawn nia.

Short Notice Question No. 1 chu Industries Department thil a ni a, 'Grant-in-aid for Small Scale Industries' tih chungthuah Pu C.L.Ruala chu i lo ko ang u.

PU C.L.RUALA: Pu Speaker, tukinah ka zawhna he House-ah hian chhan theih tura min admit sak avangin ka lawm e. Ka zawhna chu, Pu Speaker, i phalnain kan chhiar chhuak ang e.

Will the Hon'ble Minister: i/c Industries Department be pleased to state -

To how many individuals grants-in-aid for small Scale Industries was given during the current year? a ni a. Pu Speaker, ka zawhna chu hetiang hi a ni - 'Minal engzat hnenah nge Small Scale Industry tana tanpuina hi kumin chhunga pek chhuah a nih? tih a ni.

Hei hi kan Hon'ble Minister i/c Industries Department chhan atan ka han zawh a ni e.

SPEAKER : Tunah Minister i/c Industries Department-in han chhang sela.

PU F.MALSAWMA: Pu Speaker, kumin chhungin Grant-in-aid mimal MINISTER tuma hnenah pek ala ni lo.

SPEAKER : Tunah Minister incharge chuan a rawn chhang tawh a, a chhanna pawh kan hre tawhaa. Kumin chhungin Grant-in-aid tu hnenah mah pek a ni lo tiin a sawi niin ka lo hria a. Engvangin nge chutiangte a lo nih si chuan member zahawm tak khan kha zawhna kha a rawn zawh tih kha rawn hrilhfiyah leh sela. Chuta tan chuan Pu C.L.Ruala bawh chu ka'n ko leh teh ang.

PU C.L.RUALA : Pu Speaker, ka zawhna chhanna kha tuma hnenah pek chhuah ala ni lo tih a ni a. Nikum lama Industries Department-in an pek, a thua an pek tawhte pawh kha wawin thlang hian pek loh ala ni a ni. Chuvangin kuminah hian grant-in-aid la pek miah loh anih chuan kumin ami hi nakum-ah an hman dawn em ni? Chutiang chuan kum khat atana

kan siam hi a kun leh atan nin chhoh lehzel tur em ni ?
Nikuma mi an la pek loh chu engvanga la pe lo nge ?
Chu chu zawh belh i phal chuan ka zawt belh nghal e.

SPEAKER : Minister incharge chuan eng vangin nge
July thla lai alo ni tawh a, tun thlengin
grant-in-aid chu kumin ami tur ni se,
an la pek loh tih chusawrkar lam-in
rawn chhang sela a tha ang.

PU F. MALSAWMA : Pu Speaker, kan zawhna khan a tum zawk
MINISTER mah chu nikum lam thil a nih ka ring a.
Kumin chhung atan chuan Financial Year
tanna ala rei lo hle a. Chumi budget
atanga thil tihtur awm chu tunah hian
tih tan mek a ni a. Dilna te pawh tunah hian mumal taka
hawn leh a, puan zar leh tur ala ni ang. Dilna tel lova
sem nghal ngawt thu chu awmin kan hre lo. Chuvangin dilna
te mumal takin a thehluh theihna hun hnunung berte siam
fel hnuah selection siam fur a ni a. Chu chu a tlangpui
thuim mipuite hmakhua avangin hun rei deuh zawk hawn a lo
ngai a. Chumi hawn hnuah chuan a Board kha vawi hnih vawi
thun thut a lo ngai leh a. Tichuan kum thar hi a kai duh
khawp mai. Kum thar, hemi calendar year leh Financial year
a in an loh hi chu kan hre theuh ang a. Chuvangin Calendar
Year-a kum thar han kai mah sela, hemi kum thar hma khan
thlan fel chu a ni tho. Chumi tur chuan kumin ami hi chu
application te, a hun tur te puan chhuah a, selection te
siam chhuah ala awm lo. A bik takin tunah pheih hi chuan
hetiang Industry Department atanga Loan pek chi reng reng
kha chu thil tihdan dang thar a awm dawn a. D.I.C. hmun
hnihah a awm dawn a, Lunglei leh Aizawlah bun a ni dawn a.
Chumi atan chuan officer tur te, a incharge turte tunah
hian kan ruahman mek a. Chung chu remfel a mih hnuah Loan
Board te pawh chu a thara siam that leh a ngai dawn a.
Chuvang chuan khang zawng zawng kha hma khalh a, tunah
hian sem hi tih theih mai a ni lova, chuvang chuan kuminah
chuan sem mai theih a ni lo a ni. Amaherawhchu kan member
zahawm tak, Tlungvel Constituency aiawnin a zawhna kha
pawinawh tak a awm a. Nikum lama mite, a kum hmasa lama
mite sem chhuah loh ala awm nual a. Kum 1976-77-ah khan an
pek zawng zawng, hmu tura tih chu mi 719 an ni a, pek
tawh chu mi 478 an ni a, la pek loh mi 241 an ni. Kum
1977-78 chhunga hmu tura tihte chu 923 an ni a, Sem tawh
chu 130 an ni, ala bak zawng chu 793 a ni.

Tin, kumin atana pek tura ruahman chu
1034 an ni, hei hi erawh chu ennawn a ngai deuh hret mai
thei a. Amaherawhchu kan member zahawm takin a zawhna kha
kum hmasa lama mite la pek kim loh anihna thuah khan

a supply tu ten harsatna an tawh thu hriat a ni. Chung mite chuan a company atangin hmuh theih loh engemaw zat an nei ani. Chu chu tun thleng pawh hian la hmuh that theih loh te pawh ala awm nual a ni. Heng Grant-in-aid a kan pek chi chi hrang hrang a ni a, Knitting Machine te, Sewing Machine hand te, Sewing Machine Foot te, Carpentry tools te, Blacksmith tools, cobbler tool, tin-smith tools, Beehive, Sugarcane crusher, cash Grant te an ni hlawm a. Khang kha a supplier te, tender chhanna a chhang hniam bertu te pek an ni a, khang mite khan rawn tih theih loh an rawn nei nual a. Chung chu tunah hian thenkhat chu warning te pek an ni a, thenkhat chu company lam atanga harsatna tawh an awm nual a. A bik takin knitting machine te phei chu sample kha an rawn thawn phawt a, hei hi in pawh theih dawn chuan kan supply thei ang tiin tunah hian pahnih khat a rawn thleng a. Khang kha han uluk deuh hlekin thenkhatin a tha lo an ti a, thenkhatin tha an ti a, Chuvang chuan decision fel tak siam thuai theih loh thilte a awm nual a ni. Amaherawhchu hemi atana provision chu a thi chuang lova. Chung harsatna eng engemaw avang chuan duh angin pek theih loh ala ni tih hemi lam tawktu te atangin dawn a ni.

SPEAKER : Tunah khami Short Notice Question rawn titu lamin fiah lohna te a neih emaw duh tawh lohna te a neih emaw chuan hun tlem te kan pe leh ang.

PU C.L.RUALA : Pu Speaker, nikum lam chu sawi loh a kum leh lam ami te pawh la supply theih loh ni awmin kan Minister zahawm tak khan a sawi a. Khang an supply theih loh khan, supplier ten Quotation an chhanin chumi chhunga an supply theih loh chuan an contract cancel sak a ni ang tih te dan an siam lo em ni ? Tin, an siam a nih chuan an dan chuan a va huap thui awm em em ve ! Kum hnih chhung pawh a supplier ten an supply theih loh khan an supply order kha cancel loh niin ala lang a. An dan kha an siam thui lutuk niin a lang.

Hei Medical Department-ah chuan order a hmuh atanga ni hnih chhunga a supply loh chuan an supply order kha cancel sak a ni ang tih a ni. Chu chu hmanna an supply quotation siamah te khan a lang a ni. Kha kha erawh chu a lutuk deuh a, kan Mizo zingah Aizawlah damdawi siam thiam kan aa awm lo reng reng a. An han chah chhung vel khan an supply order chu cancel sak a ni mai dawn a ni. Chumi chhung chuan a neite hnen

atang khan Rs 2.50 man pawh kha eng anga man tam Rs 20/-
pawhin an la dawn a. Khalaiiah khan corruption a invite
thui thei dawnin a lang a ni. Mahsela anni chuan hei kum
khat chhunga an supply theih loh chu sawi loh, kum hnih
chhung ami te pawh kha an la nghak ta veng veng niin a
lang a. Hei hi dan mumal an la nei tak tak lo vem ni ?
A Department hian tih hi ka han zawt duh a ni.

SPEAKER : Minister incharge chhang turin kan ko
leh ang.

PU F. MALSAWMA : Pu Speaker, mipui tana thlentua a nih
MINISTER theih avangin a pawh khawp mai a, uluk
takin kan lo en fel ang e tih House
ka tiam ngam a ni. Amaherawhchu he
thilah hian tun sawrkar hian mawhphurhna pakhat mah a nei
lo a ni. Sawrkar hmasa mawhphurhna a ni tih ka han tarlang
nghal e.

SPEAKER : A sawi chu a chiang tawkin ka hria.
A zawttu pawhin a rawh zawt chiang a,
a chhangtu pawhin a rawn chhang chiang
a. Mahni mawhphurh lohna ve ve an ti
niin ka hria. Chuvang chuan he azawhna hi a bre lo ve ve, a
mawhphur lo tu ve ve enaw khan an sawi dun kha awmia a
awm lova, ka hriat avangin ka lo titawp tawh ang.

Question No.3-naah i lo kal leh tawh
ang u. Pu C.Vulluaia chuan Question No.3-na chu a zawh kan
phalsak ang a. Chu chu Minister incharge in a chhan kan
phalsak leh ang a. Tin, fiahna te a awm tawh loh chuan
enaw dik tawh lo te enaw a awm chuan khani Short Notice
Question rawn pu luttu khan a fiah lohna laiah chuan
Minister chu zawh nawn leh theihna turin hun pawh ka la pe
leh mai thei a. Tunah zawhna neitu chu i lo ko ang.

PU C. VULLUAIA : Mr. Speaker Sir, my Short Notice Question
No. 3 -

"Will the Hon'ble Minister i/c Infor-
mation, Public Relations & Tourism
Department be pleased to state -

(a) The number of newspapers with
their names approved by Government of Mizoram for publishing
Government advertisements.

(b) The number of advertisements given to each newspapers during 1977-78 with the total amount of advertisement bills.

(c) Is it a fact that one registered newspaper which fulfilled all the required conditions to receive advertisements benefits has not approved list, in spite of their petitions submitted to the Government as far back as November, 1977? If so, the reason thereof?

Pu Speaker, ka zawhna Short Notice Question No.3-naah Mizoram sorkarin Sawrkar thupuan leh hriattirna chhuahna tlaka a pawm chanchinbu engzatnge awm a, engtenge a hming?

(b) April 1977 atanga March 1978 inkarah heng chanchinbuah te hian thuchhuah tur engzatnge pek an nih tawh? A chhuah man engzatnge pek an nih hlawn? Chanchinbu pakhat sawrkar thupuan chhuah nana an tih ang tul zawng zawng nei ve thlap si, nikun November, 1977 daih tawha chutianga hming ve tura Sawrkara dilna thehluh tawh chu pawm ala ni lo fo tih hi a dik em? tih ka zawhna te hi Information, Public Relations & Tourism Department Minister zahawm takin min chhan atan ka zawt a ni e.

SPEAKER : Tunah Pu Thenphunga Sailo, Chief Minister inc-harge Public Relations & Tourism chuan han chhang sela.

PU THENPHUNGA SAILO: Pu Speaker, member zahawm tak zawhna CHIEF MINISTER kha a zawhna ang chiah chiah khan a chhanna ka'n chhiar chhuak ang e.

A zawhna (a)-na kha, hemi Sawrkar advertisement hnu lo newspaper engzatnge awm tih a rawn zawt a.

Chanchinbu zawng zawng chu advertisement pek theih vek an ni. Approved list pawh a awm tawh chuang lo a ni.

(b)-na chu kum 1977-78 chhung advertisement hnu lo chanchinbu te, hnuh zat leh a pawisa zat engzatnge ni tih a ni a.

Chumi chhanna chu Table-ah an rawn dah dawn a, ka'n chhiar chhuak kher teh ang.

STATEMENT SHOWING ADVERTISEMENTS GIVEN UNDER THE PREVIOUS
ADVERTISING POLICY DURING 1977-78

Sl. No.	Name of Papers	No. of Advertisement issued.	Total amount.
<u>i) Classified advertisement:</u>			
1)	Zomi	115	26,287.25
2)	Romei	114	26,387.25
3)	Hmar Arsi	120	27,982.50
4)	Tawrh Bawn	102	24,871.50
5)	Zo En	32	4,758.25
6)	Highlander	37	7,840.00
7)	Assam Tribune	16	2,153.00
8)	Hindusthan Standard	4	2,750.00
9)	Gati	4	702.00
10)	Amrita Bazar Patrika	3	548.79
11)	The Statesman	7	3,971.00
			Classified advertisement given outside Mizoram during the year.
<u>ii) Displayed advertisement:</u>			
1)	Zomi	30	9,813.25
2)	Romei	19	5,726.25
3)	Hmar Arsi	14	4,734.50
4)	Tawrh Bawn	14	3,745.00
5)	Zo En	4	933.00
6)	Highlander	7	2,332.50
7)	Remna Arsi	3	1,039.00
8)	Enna	6	1,878.00
9)	Mizo Aw	4	1,200.00
10)	Chhawrpial	4	1,125.00
11)	Zawlbuk	8	2,750.00
12)	Harhna	1	332.50
13)	Central YMA Magazine	1	200.00
14)	Aizawl College Magazine	1	189.00
15)	Mara Student Magazine	1	450.00
16)	Catholic Magazine	1	300.00
17)	Synod School Magazine	1	200.00
18)	Shillong MZP Magazine	1	650.00
19)	Indira G' B'Day Magazine	1	600.00
20)	Sapath Silchar	1	400.00
21)	Jupiter	1	300.00
22)	Success Story Magazine	1	1,000.00
23)	Indian Observer Magazine	1	2,000.00
24)	Infra	1	700.00
25)	Gramen Duniya	1	1,350.00

1	2	3	4
26.	M.Z.P. Magazine	2	1,250.00
27.	Alfa Publication Magazine	1	750.00
28.	A.I.R. Magazine	1	400.00
29.	Beegee Magazine	1	250.00
30.	Fair Calling Day	1	9,800.00

NB : The system of giving out advertisement policy has since been changed by the Government vide Notification No. I&PR.15/74/pt/144 dated 9.5.1978.

Heng ka rawn chhiar chhuah takte hi House of the Table-ah ka rawn dah e.

(c) -na zawhna hi ngun taka chhiar a tha ang a, zawhna chiah ka chhang dawn ka tih kha.

Is it a fact that one registered newspaper which fulfilled all the required conditions to receive advertisements benefit has not approved list, in spite of their petitions submitted to the Government as far back as November, 1977 ? If so, the reason thereof ?

A zawhna chu Is it a fact tih a ni a. Chanchinbu registered paper pakhat condition fulfill deuh vek tawh leh November 77 te atang pawha petition sian sian tawh chu chanchinbu approve list-ah a awm lo em ni ? A chhanna chu kha kha ni lo. Approve list a awm leh awm lo kha awmzia a awm tawh lova. Khami question a kha zawh ngai lo tluk a ni e. Does not arise in view of the reply given at (a) above. Chu chu approve list a awm tawh chuan loh avangin a zawhna chiah kha chu Does not arise tiin ka'n chhang a ni e.

Tunah (b)-na kha a chhanna kha Table-ah ka'n dah e.

PU LALTHANHAWLA : Pu Speaker, I approval la hmasa lo hian member tan Table-ah Paper a laid mai theih em ni ?

SPEAKER : Paper engtin a ?

PU LALTHANHAWLA : Paper kan dah mai thei em ? Tuna kan House leader zahawm takin a

SPEAKER : Secretary lampang kha ni a, a tul ang kha chu an inhlan reng a, hei hi hriat tur a ni a. Khulaia khu Department head zawng zawng an awm a, khungte pawh khuan a tul angin an hlan zel a.

PU C. CHAWNGKUNGA : Pu Speaker, hetah hian thil kim lo
DY. SPEAKER tak a awn a, chuvangin, member te
tan zawhna siam tawn a ngai a,
Shillonga Mizo Free Society tih thu
te hetah hian a tel lova. Emergency hun laia khati zozai
chanchinbua an thiltih dan Indira Gandhi an sawi mawi dan
zawng zawng te kha kan member zahawn tak tak ten zawhna
siam belh kan duh dawn a. Khatih laia Publicity hote thil
tih dan tunah hian hai lan kan duh a, zawhna mi rawn hawn
sak turin ka ngen a che.

SPEAKER : A chhanna zawng zawng kha member te
hnenah pek chhuah a ni lem lova.
Khatia chhan zawh tawh hnu khan
tawn sem chhuah a ni a, Chuta tana
helaiia office hote pawh kha a chhan zawh dawn lai khan an
lo che a ni. Chu chu member te hnenah ka han hrilhfiah duh
bawk a. Tunah kan kal zel ang a. Short Notice Question
nichina ka sawi lawk tawh ang khan Member dangte chu hun
pek loh che u pawh ka tum lem lova, pek che u ka tum
khawp mai. Amaherawhchu a zawhna rawn siantu khan a duh
tawh lovin a hmelah ka hmuh avangin, Speaker thuneihnain
tawn zawh fiah duhte a nei em tihte kan zawt leh phawt
ang a. Chumi hnuaah erawh chuan tanpuitu tur te a neih
angin leh chhantu turte in nei awn angin khalaiah khan ka
rawn ko zel ang che u. Hek hun kan nei bawk a, tunah
chuan hun tam tak kan hawng dawn nia, tam tak tihah limit
erawh chu a nei ang tih in hriat erawh chu ka duh a ni.
Tunah Pu C. Vulluaia.

PU C. VULLUAIA : Pu Speaker, ka zawhna chhanna te
kha a chianglo viau mai a, kal paha
in chuan tluk lek vek a ni a, amah-
erawhchu chipchiar taka chhan a ngai
lovah Minister khan a ngai a ni tih ka zuk hre nghal a. A
chhanna atang khan Supplementary question pakhat chauh ka
nei dawn a, chu chu hemi a amount Bill an pek zat . leh
tangka ka duh kher kher hi chu a kum bi ka thliah a, chiang
takin, 1977-78 sawrkar kum khat chhung ka zawt a, 1976-77
ani Zomi Bill 13 dang kha engatinge a rawn thehluh kher ?
tih kha a chhan ka hre lova, ka zawt a, chu chu supple-
mentary question ani. Zomi a telh chuan engatinge Romei
te a dang te pawh kha 76-77 a nite a rawn telh ve law
law loh tih ka zawhna a ni a. Tin, chu lo lehah chuan
ka zawhna pakhatna advertisement hmu thei chanchinbu
hming leh a zat ka zawhna chu chanchinbu zawng zawng a ni
tih hriat kha a lawmawn hlein ka hria a. Hemi hi he
zawhna ka thehluh atanga hetiang a rawn hawn zau a ni

tih ka hriat avangin ka lawm lehzual bawk a ni, chu mai chu ni rawhse.

SPEAKER : Nichina Minister-in a rawn chhannaah khan Zomi thu kha tuna mi pawhin a rawn zawt leh a, a figure kha tlemin a buai deuhva. Kha thil kha sawifiah a thain ka ring a, chuvang chuan Minister i/c bawkin rawn chhang sela, Mahse, chumi a chhan hma chuan Houseah hian hemi copy hi rawn sem sela, lo thlir ve ula, a thain ka ring. Tunah chanchinbu an hming te leh tangka an hmuh zat te vawi engzatnge an chhuah te a list rawn sem chhuah a ni a, Member-in minute hnih vel han en ula.

PU C. CHAWNGKUNGA : Pu Speaker, hetah hian nichina zawhna
DY. SPEAKER siamtuin a sawi ang khan Zomi hi a back date hi nasa taka tih a ni a, Romei te tih a ni bawk lova. Tin, khatih hun lai khan chanchinbu lar tak Mizo Aw tihte pawh a awm fova, engatinge advertisement an pek loh? Tin, chumi chhuah chuan chanchinbu hrang hrang Lungleiah te leh Aizawlah pawh an awm a. Kha kha engatinge list an siamtir bik a? Anmahni faktu chauh kha? Khatiang list kha an pek a anmahni do deuh apiang engatinge an lak loh tih ka zawt ve duh a ni.

SPEAKER : Tunah Minister i/c khan hemi Short Notice Question rawn move tu, Pu C. Vulluaia kha chhanna tur a neih chuan a chhanna hun pe ila, tin, a rual rualin Deputy Speaker Pu Chawngkungana a rawn zawhna kha chhan tlak tak niin a lang bawk a. He sawrkar thar hian a hrilhfiah theih a rinawm. Chuvang chuan, Memberte ngaihthlakah pawh thil ngaihnaawm tak a ni mai thei a, chu chu rawn chhang selang, Minister-in-charge ka'n ko leh ang e.

PU THENPHUNGA SAILO : Pu Speaker, Member zahawm tak
CHIEF MINISTER Pu Vulluaia zawhna kha ka'n chhang phawt ang a. Hemi Zomi classified advertisement hi keimahni Department record-ah chuan 30 a ni katih kha. Amaherawhchu anmahni hianin min rawn hmu a. Khang mi 13 te kha 76 ami a ni an ti a, kha kha a dik leh dik loh chu ka hre lova; ka'n sawi tel ve mai a ni a. Sawrkar atanga kan record-ah chuan 30 a ni. A dang an rawn zawhna leh member zahawm tak, Pu Chawngkungana rawn zawhna kha tuna

keiin ka chhan theih chu heta sawrkarna kan lak tawh hnua kan policy emaw kan ti emaw kan chhang thei a. An rawn zawhna kha tunhmaa lo ti tawhtute thiltih dan a ni a, a ti... tawhtu te thiltih dan an ngaihtuahna kha kahmu pha tlat lo mai a, kahre thei lova, ka chhang thei lo a ni. Khami te khan an ngaihtuahna kha kahre thei lo tlat a ni.

Kha kha kei pawh ka hmu thin a,
1974, 1975 te khan. Mahse, kha kha tu tih nge kan hre lova, rin thu mai lo chu. Kei chuan ka chhang thiam lo a ni.

PU K.SANGCHHUM : Pu Speaker, Helaiiah hian tlemte, clarification atan. Chief Minister zahawm takin a chhannaah khan name of Paper kha a chiang a. Tin, total amount tihah khan Zomi tiha 26,287.25 tia heta inziak kha. Nichina a sawinaah khan 26,287/- engemawti a ti a, engemaw a tih leh paise 25 tih hi a in ang em ? kha kha House-ah chuan clear taka hriat a ngaiin ka hria.

SPEAKER ; Paper kha rawn pharh tir a nih loh avangin khami kha in duh dawn tih kan hriat avangin tun atang kan rawn sem darh tir ka ni a. Chu chuan a rawn chhang em aw ? (Pu Sangchhum - 25 paise hi engemaw tih nen a intluk chuan ka pawm e). A nih chuan Minister-in han chhang sela.

PU THENPHUNGA SAILO : Kan chhan theih hi chu tunhmaa re-
CHIEF MINISTER cord a ziah kan sawi thei a. Tin, keimahnin sawrkarna kan lak hnua kan policy kan tih kan sawi thei a.
Tun hmaa an lo tihtawhna chhan leh chhan loh kha, an ngaihtuahna ka hre thei si lova, chhan harsa ka ti a ni.

PU C.CHAWNGKUNGA : Pu Speaker, khatih laia chanchin lang
DY.SPEAKER ve fo thin, Mizo Free Society tih kha tu tih nge ?

SPEAKER : Chu chu Minister i/c in rawn chhang leh sela.

PU THENPHUNGA SAILO: Pu Speaker, tuna kan Dy.Speaker zahawm
CHIEF MINISTER takina a rawn zawhna kha, a hming a rawn lama kha a niin ka ring lova, Kha kha a zawhna chiah nia ka rin chu, Free Mizo Association tih niawm tak a ni.

PU CHAWNGKUNGA : Pu Speaker, a rawn zawhna kha a rin
BY.SPEAKER ang kha a dik e.

PU J.THANKUNGA : Pu Speaker, hemi display Advertise-
ment No. 30-naa Fair Calling Daily
tiha Rs 9800/- bill khat awn hi
khawi ram Magazine nge ni a, Mizoram
ah te a copy kan hmu ve lova, engtizia nge Bill khat chauh
ah heti zat zat hi kan sawrkar hian pawisa a sem ? Bill
dang thenkhatah Rs 200/- Rs 300/- te a nih lain 9800/-
helai Zoram pawhin paper kan hriat ngai mang loh hi Minister
zahawn takin min hrihfiyah sak theih chuan ka lawm hle ang.

SPEAKER : Minister-in a chhan hmain Pu J.Kap-
thianga i ko leh rih ang.

PU J.KAPTHIANGA : Pu Speaker, member zahawn tak takte
leh Minister zahawn tak ten thu
bengvar thlak tak an zawtin, ka
hria a. Engpawhoise, hemi chung-
chang thua hian kan sawrkar kal tawhte thiltih a ni a. Hemi
atanga hian thil a fair lohzia vawinah member zahawn tak
tak ten kan lo hre ve chauh mai leh mipui hmaah pawh leh
tunhma pawha sawrkar tena pharhna pawh nei ngai lova an lo
tih hi a mak ka ti a ni. INFA Gramen Duniya, Beegee Magazine
tih te hi enge a awzia ni ta ? Engahnge kan ram sawrkar
pawisa hetiang zozai pawisa sense kan lo tih thin ? Indira
'G' 'B' Day Maga-zine, Sapath Silchar tihte hengte hi enge
Mizoram mipuite tana a tangkaina ka ti a ni.

Hetiang hi kan sawrkar hian kan
titawp tur a ni. A sang bia kal a ni a. Mizoram advertise-
ment emaw mipui hriat tur reng reng chu kan ram Newspaper
emaw magazine ah emaw kan ti zawk tawh tur a ni a. Chuvang
chu-an vawinah hian member zahawn tak tak te hnena ka
ngen duh pawh hetiang thil awnze neilo magazine kan hriat
ngei loh kan sawrkar pawisa kan sawrkar-in heti zozai a lo
zuk ti hi paw ka ti a. Hei hi kan sawrkar hian a titawp
thei tawh lawm ni tih hi ka han rawt duh a. Amaherawhchu
thil pakhat ngen erawh chu ka duh a. Hetiang zozai thil
awn erawh hi chu Parliamentary Committee-in emaw chhui
theih dan kawng nin kawhmuh theih chuan kei chhui awn
niin ka hria a. Chumiah chuan Parliamentary Committee
kan siam theia nih chuan chu chu engfah erawh chu thain ka
hria. Chu chu member zahawn tak tak ten theihtawp chhuah
tlangin kan ram tana thil tha zawk ngaihtuah chhuah
theih ka beisei a. Chu chu ka'n sawi duh a ni e.

SPEAKER : Hemi question No. 3-na avang hian kan member zahawm tak Chief Whip ni bawp pawh chu a so ta hlein ka hria a. Chuvang chuanin Member te lungawi taka kan awm tlan theihna turin lawi duh nei dang an aw. chuan hun ka hawng leh ang.

PU LAL TRANHAWLA : Pu Speaker, hei Member zahawm tak Pu C.Vulluaian a zawhna azarah, kan Chief Minister-in a copy detail takin a chhanna min rawn pe ve a. Kan hmu ve chauh a ni a. Tin, ka hmaa member zahawm takin a sawi ang khan kan ram pawisa chu kan ram lovah pawh a tleh chhuak hle a, Mizo mipui tana pawimawh ngang a ni ang a. Amaherawh-chu, tuna a rawt ang khanin Mizo mipui tan a pawimawh leh pawimawh loh dante hi mipui ten kan hriat theih na turin chhui chhuah a dikin ka ring a. Tin, kan Chief Minister zahawm tak Information Minister ni bawp, hemi Mizoram chanchinbu te approve list a awm tawh love a tih kha thil lawmawm tak a ni a, lawmthu ka sawi duh a.

Hei Mizoramah chanchinbu tenau te te kan awm ve a. India sawrkar policy chu heng Regional papers te Regional language-a chhuahtu hi tanpuia chawulen a ni a. Nimahselangin kan ramah chuanin hleih neihna a nasa hle a ni. Mizoram Journalist Association tlinglo takin kan din a, chutah chuan Journalist te right kan fight ve thin a. Hun harsa ber leh khirh ber karah pawh theihpatawp kan chhuah a, a tul leh kan tang a, thubuai nei lova ram pawh kan awm lova; sipaiten ni pakhat an man a, chumi chu a chanchin han zawt turin V.C.P. post-ah a han kal a, chutia an chhuah loh chuan kan tang mai zel a ni. Chutiang khawp chuan nekchepna karah kan awm a.

Tin, chumi karah chuan Journalist ten theihpatawp in kan right kan fight thin a. Kun 5 lai President ka ni tawh a, waviin ni thlengin Executive Member ka la ni nghe nghe a. Nimahselangin waviina kan Chief Minister in a approve list awm tawh lo leh hemi a advertisement chungchangah pawh hleih neihna awm tawh lo tura a tih kha thil ropui taka ni, lawmawm ka ti hle a. Tin, tunhnua an kal zelnaah pawh chutianga an kal chu tha ka ti a. Heng ram pawn lama kan ram pawisa a lung chhuak hi Mizo te tan hnehmanna tehchiam a awm a rinawm loh.

Tin, heng kan chanchinbu te hi chak zawka hma an sawn theihna turin tunah hian News- READER . engnah kan nei lova. Radio an ngaithla a, mipuite tana rawngbawlna hna ni tih hriain theihpatawpin harsa takin

an bei ve a. Tichuanin harsatna tinreng karah a lehlan ah nekchepna nen sum leh pai lama hrekna nen chutiang chuan an bei ve a ni. Chu chu kan sawrkar pawhin a hriatpui a, engemaw Teleprinter service te ~~aw~~aw, chutiang zawngin thil dang dang hi an ngaihtuah hi ka rawt duh bawk a.

Tin, heng chanchinbu thankhat khat to tunah chuan tutepawh hleih neihna awm hauh lovin Party organ pawh kan thlir chuang lovang an tiin ka hre nghe nghe a. Chu chu a lawnawm lehzualin ka hria a. Tichuan, heng chanchinbu te hian heng hleihneihna awm lovin tha taka sawrkar tanpuina, Central Government policy bawk chu helaiah kan sawrkar pawhin a hman zui zel ka duh a.

Tin, heng a creditation chungchangah te leh approve ni turin kum engemaw zat beih tawh, mahselangin chu chu pawh theih loh Newspapers tam tak an awm a. Chungte tana vawinnah zalenna thar a awm hi a lawnawm ka ti a, lawmthu ka'n sawi duh a ni.

SPAKER :

Member zahawm takte ka koh hmian comment pakhat pek ka duh a, chu chu hei hi a ni. He subject tuna kan discuss mekah hian opposition group leader hial pawhina thil kal tawh hnute a harsatna a tawh thu, tuna sawrkar thara lawmthu a sawina te kha House zawng zawng, Treasury Bench lama mite nen pawh an inthural tlang hlein ka hria. Chu chu lawnawm ka ti a. Hetiang subject ah opposition group te nena Treasury Bench lampangte pawh House-a thurualna tak awma Mizoram tana thurualna tur khang alo inhawm hi he House hi a ropui ka ti a. Chuvang chuan ka chair lai ngeia hetiang thu alo thleng hi ka lawmthu in hnenah ka sawi lo thei lo a ni.

Tunah Pu Sainghaka.

PU LAL THANHAWLA : Pu Speaker, i phalnain vawin ni thlengin chanchinbu mite harsatna tam tak a awm tih i hriat ka duh e.

PU SAINGHAKA : Pu Speaker, advertisement chungchang thu hi munhmaa an pek tawh dan chuan a full tax an pe lo thin niin a lang a. Thankhat chu a chanve ang lekin pek a ni a. Hei hi paper a pek a nih rau rau chuan a full tax hi pek ni law law se a thain ka ring a.

Tin, Mizorama chanchinbu te hmenah advertisement zau zawka an pek chu tha ka ti a, phai lam paper lian zawkah te pawh. Amaherawhchu, thil pakhat Khawbung bial aiawhin a rawn sawi-ah khan tlem han sawi belh duh hlek ka nei a, zawhna angin. Hei tuna kan Minister-in dawhkana lehkha min han pek hi kum 1977-78 inkar thu a ni a. Hei hi sawrkar hmasa mawh a ni a tih chuan a dik thova. President's Rule chhunga thiltih a ni a, hemi hi re-censor tha an tih chuan kei pawhin ka thlawp.

PU K.SANGCHHUM : Pu Speaker, hei zawhna aiin engenaw sawina hun i hawn avangin ka lawn em em a. Tin, House hi kan misguide palh ang tih ka hlauva. Chu chu hemi advertisement chungchangah hian Mizorama mite eng pawh nise duh sak bik policy kha best of all a ni. Amaherawhchu sawrkarin a mangngihl palh ang tih ka hlauh erawh chu Mizoram sorkar leh mipui hi India leh khawvela in publish kan duh a ni a, tunah hian. Aizawl chauhva in publish kan duh hlei nem !

Chuvangin all India ah, khawvel pumpuia in publish kan duh a. Chumi in publish-ka dan chu a dal palh ang tih ka hlau va. Chu chu sawrkarin min hriat-sak ka duh ve tlat a ni.

Ka lawn e.

PU TLANGCHHUNGA : Pu Speaker, I sawi kha a lawmawn hlein ka hria a, kan lungruat tlang tawh dawn enaw ka ti a, amaherawhchu tunah khan Aizawl chhim lam member leh Sangau lam aiawh khan a zau zawk a tul thu an han sawi hnuh tawh pawh ka hnial chuang lem lova. Amaherawhchu a tih hi a then a zar sawi zel dawn a nih chuan heta kan biin ka hre lova. Chuvang chuanin leh enge thu lo ni ment tih leh 19-na hi a Magazine hming hi a chhah chi deuhvin ka hria a. Hei hi khawngaih takin kan Minister concern khan min hriih thei sela ka duh a.

Tin, chutah chuan eng thu nge an lo advertise reng tih pawh min hriih thei nghal sela ka duh a. Chuti a nih loh chuanin zau zela kan advertise-ment hi a that zelna ka hre lova. Hemi Indira Gandhi B' Day tih leh a thu awnzia leh a thu lo chhuaka chu eng nge ni reng tih hi ka'n hre duh a ni.

Ka lawn e.

PU R.T. ZACHONO : Pu Speaker, Member zahawm tak,
Pu C.Vulluaia zawhna, Minister i/c
in alo chhannaah khan, lehkhah phekah
N.B.-a ziah khan The system of giving
out advertisement policy has since been changed by the
Government Vide Notification No. I&PR.15/74/Pt/144 of 9.5.
1978 tih a ni a, Kumin May ni 9 a advertisement policy
sorkar in a thlak dan hi khawngaih takin Minister i/c
khan nin hrilhfhah thei angem ?

SPEAKER : Pu Lalupa i ko leh lawk ang u,
Minister kan koh hmoin.

PU P.LALUPA : Pu Speaker, a hmasa berin kan thusawi
lai hi a pawinawh hlein a lang a.
Kan member zahawm tak Ratu biala
niin a rawn sawi kha. Hemi displayed
advertisement tih No.30 na hi Calling Daily tih ringawt
nai hi kei pheh chuan ka lo hre ngai wiah lova, eng chan-
chinbu nge tih ka lo bengvar loh vang pawh a ni nai thei a.

Mahsela, helaiiah hian Mizo Aw te,
Highlander te Zo En te kan han en chhoh hian Bill 6 te 4
te an nei thliah hlawn a. Hemiten a sang bawr lek an neih
lai hian Fair Calling Daily an tih ten Bill pakhat cheuh
si Rs 9800/- awn ringawt hi eng thu leh hla pawinawh tak
nge ni bik chuni advertisement awn chu tih te, tin, chuni
bakah a hmua kan Deputy Speaker zahawm takin a rawn sawi
lan tawh khani Mizo Freedom Association tih emaw khang
chungchang thu te pawh kha han chhutin hrilhfhah harse
tak vek chu a ni hlawn a. Mahse, thil awn chu a ni si a.
Chhui ngai a ta hle a. Tin, heng pawh lam chanchinbua
advertisement kal ta zawng zawng te pawh hi helaiia han
ngaih theih maia te pawh hi eng anga pawinawh nge a nih
kan hre phok lo hle nai a. Aeni chuan tunhmoin kan hriat
ngai loh, hetah hian alo lang ta nai si a.

Heng chungchang zawng zawng te han
ngaihtuah hian ka hmua member zahawm tak tak te thusawi
awang pawh khan commission emaw Parliamentary Party in
emaw engemaw a rawn din chhuah chu an demand niin a lang
baw a. Khani te demand te kha ka rawn thlawp tlat a ni.

SPEAKER : Zawhna chhan tur neuh neuh a awn
ta a. Kei Speaker neuh pawh ka
bial map nai a. Lehkhahu ka chhiar
hmem hle a. Chanchinbu pawh ka
chhiar hmem hle. India chanchinbu hi hmuh loh pawh ka
neih ka hre lova. Mahse, tunah hi chuan ka bial map a.
In rawn zawhte kha House bengvarna a ni a, a lawnawna a.

Chuvangin, Minister i/c chu a theih ang anga rawn chhang turin kan sawn leh ang e.

PU THENPHUNGA SAILLO : Pu Speaker, Member zahawn tak takin
 CHIEF MINISTER an rawn zawhna kha thil bengvar
 thlak tak tak a ni a, tangkai tak
 tak a ni a rawn sawi a. Khang atang
 khan kan tihtur chu hemi Ministry tinah hian Consultative
 Committee kan nei a, chung chuanin tunhmaa thil kal tawh te
 pawh chu an rawn chhui ang a. Tin, hun lokal zel atan pawh
 a guide line te pawh an rawn ruahman ang a. Chung chu kan
 tih ngei turah ka ngai a. Hemi incharge ka nih avangin chu
 chu chu tih ngei pawh ka tun ang a, member te khan lo hria
 selangin. Chumi ruala ka han sawi tur chu khang classified
 advertisement te hi a tlangpui chuan kan hriat tur nia lang
 chu Sorkar thil tan tak pawh advertise tur a awn a ni mai
 thei a.

Eng ang chiahin nge an lo tihna chhan
 a kha chu kan sawi tawh ang khan thil kal tawh a ni a,
 kan hre thei lova. Chung to pawh chu kan chhui zel ang a.
 A lo fello deuh a nih chuan hetiang deuh hian policy
 kan zawh anga te pawh kan ti ang a.

Tin, hemi advertisement classified
 kan pekna te kha dik tak chuan tan tak kha chu keimahni
 local paper a tih ngawt kha chu a tawh lova, a zau zawka
 tih a tul ngei ang pih kha chu hriat ngei tur a ni ang
 a. Anaherawhchu paper tih bik neihte a dik len lo ang a,
 chu chu sawi tohchiam ngai lovin a chiangin ka ring a,
 classified advertisement hi local paper ngawta tih a tawh
 lovang a, tan tak a awn ang.

Tin, India hmun hrang hranga kei-
 mahni awnte pawhin. a tul ang ang lo hriatna tura tih chu
 hriatna a ni a. Chutiang bawkin Displayed Advertisement
 hi engemaw chenah chuan keimahni local paper piah lamah
 pawh tih chu a tul a ni. Heng ang a aim and object tak
 tak a hi keimahni Mizorama hi Zoran pawnah India ram
 pumpuiah leh, a piah lamah pawh hriattir ve tura tih pawh
 an duh ve pawh a ni ang a. A tlangpui chuan, a principle
 chuan. Anaherawhchu a tlangpui kan han thlir chuan zuk
 hriatthiam theih ang loh chu a awn deuh reng a. Entir
 nan :- Hemi Fair Calling Daily pawh hi a ni viau mai a,
 a man a tan hlenai a. Hei hi engtizia nge tih te pawh
 kan chhui reng ang a, a lo tul teh chiah em? Hemi Fair
 Calling Daily hi Daily a ni lova, Weekly niin ka hria
 a. Delhi velah leh India ranah khu chuan a lar ve viau
 mai a. Aizawlah hi chuan a lar len lova, a lo la thleng
 chiah lova.

Hengte pawh hi kan hriat ve leh tura chu, helai a lo thlen ve loh avang hian a lar lo emaw kan tih ngawt a dik leh lo ang a, dik tak chuan Aizawl ah hian Magazine lar tak tak lo thlong lo tar tak a awn ve tho a nia. Lo thlong tur tha tak tak, lo thlong zel se kan duh bawk ang a. Amaherawhchu, heni chungchang thua heni pakhat hrim hrima Rs 9800/- laia hi a awzia erawh chu enfel a tul niin a lang a, kan enfel ang a, a tul ang angin thil kan ruahnan zel ang a.

Tin, Indira Gandhi Birth Day Magazine te pawh hi a awzia chiah hi dik tak chuan ka hre hranpa chiah lova. Consultative Committee bawk khan an en ang a. A tul leh lo a nih chuan kan titawp ang a, a tul ang angin kan chhonzaw bawk ang a. An sawi tawh ang khan Displayed advertisement hi a intlukna chiah chu Mizoram hi Publicity pek kan duh a, chuvangin India ran hmun denga paper pawimawh tak takte leh Magazine pawimawh tak takah hianin kan tih zaw zel chu a tlangpui chuan a tul dawn a ni. Amaherawhchu kan tihdan a kha chu a mumal chu chiang sela. Tute emaw ninal chungchang thua interest neih vangte a tih bik te awn dawn te a nih chuan kan rehti tur pawh a ni lova. Mahse, a tlangpui chuan kan rana kan ran chungchang thu hi maximum Publicity kan duh ve a. Mizoram hi India ran chu sawi loh, khawvel ran pawhin hre ve se kan duh reng a ni. Chu chu kanchhonzaw zel tur pawh niin ka ring a. Delhiah te pawh kal ilo, tun thlenga tuten emaw chuanin Mizoram chu khawiah nge te nin la ti ta fo a ni. Zoram awna te pawh hi hre lo an la awn nual a ni. Publicity hi a tul ani. A tihdan erawh chu mumal sela kan duh ang a.

Tin, helala Advertisement policy awzia, kan member zahaw tak Pu Zachono-a ran zawna kha - Hei hi May ni 9 tih kha a ni a, heni a based a hi tuna Central Janata te policy tih ang hrula tih a ni a. Chuni basisi chuan tihchhuah a ni a. Chuni bak erawh chu han hrilhiah tur hranpa ka hre hrih lo. Keimahi sawrkar kan hna tah hna kan tih pawh a ni hranpa lo. Kan lo luh hna hrata tih a ni a, anni pawh chuanin Delhi atanga an policy hrut than an ti niin a lang.

Chuvangin, ka sawi tawh ang khan a pawimawh nia lang chu - heng thilte pawh hi thlirpuitu turin Consultative Committee kan nei a, an ti ngeiin ka ring bawk a, kan tihtir ngei bawk ang.

PU C. CHANGLUNGA: Pu Speaker, heni Displayed Advertisement tih No. 23-na, heta Indian Observer Magazine hi a Editor Dulab-Singh a ni a. Hei hi Zehmawh deuh ringawt ziahna bu

a ni a. Hetah hian enge ni Advertisement kan zuk pek ? He chanchinbu hi Mizo nula te lei theih an nihna nasa taka min sawichhetu a ni a. Kan Minister concerned in a rawn sawi tawh ang khan Mizoram advertisement kan zuk pekna chhan hi hriat theih nise ka duh a ni.

SPEAKER : Tuna Pu Chawngkunga, Deputy Speaker rawn sawi kha chu amah leh amah a in chhang nghalin a lang a. Kan Minister khan Consultative Committee in thil an rawn thlir ang a tih khan a huam vek bawkin ka ring a. Tunah hian chuan Ministerin a rawn a chhan tawh baw avangin member ten chhunzawm zel tawh lo ila. Subject tharah kal tawh ila a thain ka ring a. Kan lung-rual tlang viauva thil tha lo siam tha turin he Assembly hi a awm a ni.

Chuvangin thil tha lo reng reng te chu sawi chhuah a ni ang a, thil tha reng reng te pawh sawi chhuah a ni ang a. Kan ram khalh tura hnathawktute in nih avangin vawin ni hi thil lawmawm tak niah ka ngai a. Chu chu ka'n sawi nawn leh duh a.

Tunah subject dang ah lo kal leh tawh ila. Demand for grant 78-79 Pu F. Malsawma, Minister will move the Demand No. 19, 28 & 37. Hemi Demand a rawn move hnu hian member dang te pawh sawi turin ka ko ang a. Minister in a chhang zel baw ang a.

PU F. MALSAWMA : Mr. Speaker, Sir, on the recommendation of the Administrator of U.T. of Mizoram and with your permission Sir, I move the Demand No. 19, 28 & 37 for Rs 7 crore 16 lakhs and 80 thousand (Rs 7,16,80,000/-) only inclusive of the grant made in advance by Parliament as detail below for deframing the expenditure during the Financial Year 1978-79 as per detail even given in the annual financial statement.

SPEAKER : Mizo tawngin a sawi theih em aw ? Minister, Pu Minister, Mizo tawngin han sawi teh.

PU F. MALSAWMA : Pu Speaker, Administrator, U.T. of Mizoram rawtna angir i phalna angin he Demand no. 19, 28 and 37 na hi ka rawn move a. Chu chu Rs 7,16,80,000/- a ni a. Chu chu

Financial Year, tangka kum 1978-79 hun chhunga hman turin Parliament in a tanpuina alo pek tawhte huam telin tangka lam chungchanga tarlan tawh ang kha a ni e.

SPEAKER : A lawmawm khawp mai. Tunah memberte sawi duh apiangin han sawi ula. Pu Zachono.

PU R.T.ZACHONO : Pu Speaker, tuna kan Minister zahawm takin a amount a rawn sawi kha saptawnga a sawi leh Mizo tawnga a sawi chhuah kha a dang deuh va a mit that loh vanga a sawi soal a nih ka ring a. Kan lo ngaiithiam atan a thain ka hria.

Vaibelchhe sarih (7) Seven Crore a ti tawh a, vaibelchhe khat a ti a, vaibelchhe 7 a tih lain. Kha kha kan hriatthiam tlan a tha ang a.

Tleme ka sawi ang a: A pakhatnaah chuan Education ah kal ta ila. Non-official voluntary Social Welfare Organisation chungchanga tlem sawi ka duh a. Hei hi grant an pek chhan a te chu physically handicapped te, socially handicap te an ni a. Heta uar bik ila ka duh chu - Socially handicap a ni a. Chu chu kum 65 chuang hnathawk thei tawh lo, chhungkhat laina tanpuitu tha nei tawh lo inenkawl thainna tura sawrkarin tanpuina a pekte a ni a.

Hei hi an dauchhung zawngin Rs 2000/- pek tur tih a ni a. Chumi bak chu sawrkarin inhnahnawihna nei tawh lo tur angin kan dan chuan a ziak a. Hei hi siam that leh a thain ka hria. Rs 2000/- ringawt chuan a dam-chung engtingge kum 65 hnu lamah kum 4/5 te dam leh ta sela, 2000/- chuan a inenkawl zo ang em? tih ngaihtuah tham tak a ni a. Chuvangin, hei hi siam that a thain ka hria a.

A dang han sawi leh ila. Nu leh pa a neitu dik tak hriat tawh loh naupang vakbo mai maite leh chutiang pitar/putar, chhungkhat laina chawmtu nei tawh lote awana turin in te sak sak tur a ni tihte a awa a. Mizoramah hian chutiang nite chenna atan Home engzatnge kan neih tih chu kan Minister-in min chhang leh baw se, khawngaih takin. Chu chu Non-official voluntary Social Welfare Organisation chungchang ni sela.

A pahnihaah chuan - Mizoram Merit Scholarship for Matric Education-a Condition of Egibility tihah khan kal leh ta ila. Talented student te tan tih a ni a, chu chu 60 % aia tam an hnu tur a ni tih ani a. Tin, chumi chu awarding authority chuan

quota angin an sem tur a ni tih a ni. Quota kha a sawi si lova, hemi kan Rules-ah hian. Merrit scholarship ah hian Mizoram tan quota engzatnge kan neih ? Chu chu College levelah te, University level-ah te, leh Institute hrang hrangah te engzat theuh nge kan neih tih hi min hrilh leh bawk sela.

Tin, a pahnihnaah chuan - Awarded Scholarship Cadets from Mizoram admitted to Rashtriya Indian Military College at Dehra Dun tih a ni a. Hetah hian a pakhatmaah khan, "Two Scholarships" tih a ni a. Two Scholarship tih kha eng scholarship nge tih sawifiahna a awm tawh lova. Chuvang chuan khami kha khawngaih takin min lo chhinchhiah sak sela.

Tin, a pathumnaah chuan Lump Grant, sikul kai tha te, Primary Stage atanga College level atanga attendance tha te tana buatsaih a ni tih kan hria a. Khangah khanin Primay a sawinaah chuanin Class A to III thleng tih a ni a. Amaherawhchu, a sawifiah lehnaah chuan A & B tan he lump grant hi an enjoy thei lovang tih a ni. A classify-naah chuan A to Class III thleng tih a ni si. Hei hi engvanenge A & B ten lump grant hi an hmuh theih lohna tur? Chu chu lehkhabu leh Stationery leina tur te leh thil tul dangte an leina tur tih a ni a. Tin, Primary levelah chuan Rs 10/- mi pakhat tan pek tur a ni ang, mi 5000 hnena pek tur ani ang tih a ni a. Rs 10/- tih kha thlatin tihna nge ni ? Vawikhat hotuten an recommend-naah khan Rs 10/- tih chauh nge ni ? tih kha min hrilhfiah sak leh sela.

Tin, chutiang chuanin Middle level-ah te, High School levelah te College level-ah te pawh a awm zel a. Hengte pawh hi vawikhat hmuh atan chuan a tlem deuhvin ka hria a. A tih tan dan a awm thei dawn lawm ni tih kan Minister zahawm tak kha ka zawt duh bawk a.

Tin, hemi Lump grant hi school tam tak thingtlang sikul te chuan hre lo tam tak an awm dawn a ni. A dik takin Primary School changkang deuhthe chuan hei hi an enjoy thei ang. Amaherawhchu thingtlang tam tak kilkhawr deuh te leh an hotute mawlina avang te pawhin a hriat loh tam tak an awm dawn avangin hmu thei lo tur te pawh tam tak an awm ka ring. Chuvangin hei hi a zau zawka inhrih theih dan awm se a thain ka hria. An notice pek dan te kan enin kan hmuh theih dan tur kha ka han ngahnuah a, a vang em em a ni. Chuvangin, hei hi a zau zawka inhriattir theih ni sela a thain ka hria a ni.

Tin, nichina ka sawi, non-official voluntary Social Welfare Organisation chungchang pawh hi thingtlang hmun tam takah hetiang thu leh hla pawh hi

hre lo tam tak an awm thei ang. Chuvang chuan Mizoram puma heng : sawrkar hmathatna hi kan zo tawn theihna turin kan sawrkar hian heng lampangah hian tan la sela a thain ka hria a.

Tin, a tawpna atan chuan Industry chungchang a ni a. Mizoram hi District pathumah then a ni a. Aizawl District leh Lunglei District leh Chhimtuipui District a ni a. Aizawl District leh Lunglei District tan Industry Officer an neih lain Chhimtuipui District chuan an nei lo a ni. Hei pawh hi a chhan vang dang a awm lo a nih loh chuan khawngaih takin Aizawl mite Lunglei a mitena District Industry Officer leh a status an enjoy ang hian Chhimtuipui miten enjoy ve sela ka duh a ni.

Ka lawm e.

PU J.THANKUNGA : Pu Speaker, helai kan Budget tlangpui han en hian pawisa lamah chuan a sitawm teh chiamin a lang lova. Amaherawhchu, heti laiah hian tleme han sawi ve ka duh a. Government High Schoolah hian Peon, LDC te an nei a, tin, Headmaster te pawh an nei bawk a, kan hriat theuh angin. Amaherawhchu, Deficit High School pathum chauhvin ka hriat dan ia' sual loh chuan Assistant Headmaster an nei hi enge ni a chhan leh a vang? Tin, LDC erawh chu an nei vek niin a lang a. Amaherawhchu, Chowkidar leh Peon hi eng vanga nei ve lo nge an nih? Supplementary Budget-ah te a khung theih dante a awm a nih chuan helai hi kan Minister zahawm takin lo hria sela.

Tin, Deficit High School te hi Government High School-ina an neih ang thil a zawng a za chuan tih theih ni lo mahse, engemaw chen tal tihsak ve atan an tha ve ang reng viauva. Tin, Financial year dawn apianga thla 2/3 hlawh chungchanga kan zirtirtuten an tawh ziah hi enge ni a chhan leh a vang? Hei hi a hun dik takah la ve thei se a lawmawm hlein ka ring a.

Tin, Primary chungchang han sawi lawk ila. Primary School hotu ber, Head Teacher hi eng vanga Headmaster ti ve mai lo nge kan nih? An hnuaia ni zawng zawng te pawhi Teacher tih an ni thova. Chuvangin kan sorkar hian Ministry thar kan lo neih ang bawkin Head Teacher tih hi Headmaster tia min thlaksak ve turin ka rawn ngen a. Dik takin Delhiah pawh sawrkar thar a lo din khan Family Planning tih kha Family Welfare tia leh a lo ni a. Chu chuan engemaw chenah a department pawhin harh tharna te pawh a siam viau ni pawhin a lang a. Chuvangin, Primary zirtirtu te hniam tak anga ingai Headmaster tia han thlak chu enge-maw chenah anmahniah pawh ropui intihna emaw engemaw chu a awm a rinawm a.

Kan ram tan pawh a changkan phah ka ring a. Kan Minister i/c khan min thlak sak turin ka rawn ngen a ni.

Tin, Education lam bawkah : Library lekhhabu hi Mizoram lekhhabu zuartute hnenah neihlo hi ve tawh sela. Tichuan, kan lekhhabu zuartute pawhin stock tam zawk pawh an lo dah ngam ang a, phai lam atanga an lei hian 10% hi discount an pe thei a. Chuvangin helaiiah hian kan Mizo lekhhabu zuartute pawhin dawrkai te tana hlawn a nih bakah engemaw chen chu lekhhabu a duh ang ang hmun leh hmunah a va thlang thei zawk ang. Chuvangin lekhhabu tha zawkte, kan hmuh theih nan helaiia Local Dealer te hnenah tun atang chuan kan sawrkar thar hian lekhhabu hi lei ve tawh se tih ka rawn ngen bawka ni.

Tin, Text Book chungchangah : High Schoola kan syllabus tam tak hi vawiin ni thleng pawh hian kumina zir tur naupangten lekhhabu dawrah an la hmu lo a ni. Hei hi an leina thin chu Assam Text Book Production Cooperation Ltd. atangin an lei thin a. Heta tang hian an smuggle ringawt thin a. Hemi Company hian lekhhabu hi a product tlem avang hianin Mizoram demand ang te leh Assam demand ang te pawh a nei thei lova. Chuvangin, a ruka lei a ngai thin a. Chuvang chuanin heng atang pawh hian engtingge hemi kan High School subject hi substitute anga a thalo tihna ni lovin a zirilaibu te pawh hi a thlak theih dawn lawm ni tihte ka rawn sawi duh bawka ni. Tin, chumi zinga Pawl 9 leh Pawl 10 zirilai Social Study phei chu market ah kum 2 a awm tawh lo a ni. Chuvangin, kan Pawl 10 result te pawh hi engtingge a that theih ang tih hi kan Minister te pawh hian min lo hriatsak sela ka duh ani. Chuvangin, phai lama zirilaibu harsa tak tak te hi Mizoram sorkar hian a thlakthleng dan kawng a ngaihtuah theih ka rawn duhpui bawka ni.

Tin, M.E.School leh Primary ah hian Text Book hi thlak tur tih a ri reng mai a. Amaherawhchu thil tam tak te chu thlak tawh mahsela, vawiin niah thlak loh tam tak ala awm a ni. Chuvangin, Publisher te hian a finkhur na avangin lekhhabu tam tak an chhu ngam lova, chuvangin naupang tam takin harsatna an tawh nasa em em mai a. Zokhaw lamah te chuan Text Book nei lovin sikul tam tak zirilaibu nei lovin he policy mumal loh avang hian an awm a. Chuvangin he sorkar thar hian a rang thei ang berin eng ang Text Book chiah nge sorkar hian naupang te zir atan a tih dawn tih hi mumal taka order siam turin kan sorkar thar hi ka rawn ngen a. Tichuan, naupang te harsatna chu a kiam ngein a rinawm a ni.

Tin, Education lam bawkah khan, vawiin nia kan High School neih dan hi a in khuangrual lo em em mai a; duham min tih leh min ti mai ula. Vawiin niah

Darlawn tlangdungah chuan Government High School pakhat mah ala awm lova. Tin, Tuisualralah a bik takin mipui sing khat chuang awmmaah High School pakhat mah ala awm lo a ni, recognition pek. Chungte pawh chu kan sorkar hian min lo hriatpuia mipui sing 2/3 lai, zirna mumal nei lova an awmte pawh hi min rawn thlir chian pui ve ka duh a.

Tin, 28-naah khan - Cooperation lamah khan tawite han sawi ve ka duh a. Vawiinah thingtlangah society dawr te an lo siam a, eng engemaw an lo zuar te hi mipui tam tak tan tangkai ni mahsela, a management lam hi a fel tawk lova. Ngun lehzualin a management hi mumal takin sawrkar hian siam sela. Chumi a nih loh chuan a nghaktu te hian an eiru zo mai zel a. Kum 2/3 daih Society hmuh tur a awm reng reng lo ti ila a sual tam pui awm love. Chuvangin, sorkarin audit dan mumal zawk te leh Society Management fel zawka tih hi tuna kan sawrkar thar hian a tih ngei ngei turah ka ngai tlat a ni.

Tin, Industry lamah han sawi leh lawk ila: Miin Scheme lian tak tak, Thingzaina khawl emaw, saw-mill pawh an han scheme a. Loan kan han pe ve a. Sem sem dan dan tih ang ringawt mai tih hi kan sorkar hian titawp sela. Mi 10-in an dil a ni a, sem rual mai ni tawh lo sela. A daihna ngei tur, an scheme ang ngei khan kan sorkar thar hian pe sela, a dikin a lang a. Sing 7 miin an dil a, entirnan - Sing 3-a lo tihsak ngawt te hi ; engtingge sing 7 scheme kha a puitlin theih ang tih ka rawn sawi duh bawka a.

Tin, hmannia Pu Vanlalhruaia, member zahawm tak rawn sawi ang khan vawiin niah kan Industry tan tak te chu re-condition jeep-ah an changzo ta a ni. Chuvangin an tlan mai mai a. Vawiin niah Industry Departmentin hna a tihtur ang tak tak leh proposal a siam ang leh sanction a pek ang te pawh vawiin nia zofatena a zar kan zo lohna chhan hi a pek danah mumal a awm lo tih hi kan Ministry thar te hian la hria sela. Chuvangin, sanction pek dan hi mumal zawka tihdan awm se ka duh a, helai hi ka rawn sawi duh a ni e.

Ka lawm e.

PU H.KIAUTUMA : Pu Speaker, hmannah Budget General discussion kan neih khanin Education chungchang leh thil dang eng engemaw ka sawi ve a. Minister ten min rawn chhannaah khanin Education Minister khanin ka point pakhat mah a rawn chhang ve lova. Midang point kha chu a rawn chhang kim viau va. Keia han sawi ve kha chu a fan zo ta vek mai a. Chuvang chuanin ka tim deuhva,

tunah pawh hianin. Mahsela, pawimawh nia ka hriatte ka rawn sawi ve a ni a. Sikulah, zirnaah, College-ah te pawh Sport a tam lutuk tih te, M.E.School private te'n an lo din a, tanpuina an mamawh tih te, tin, High School Section te hawn belh a ngai tih te leh Lunglei College chanchin te leh; tin, Text Book chungchang thu te kha ka rawn sawi ve nual a. Chhan a nih tak si loh avang khanin khami kha chu sorkarin a lo thlir zui ang chu tih ka han beisei thlarawk a. A dangah kal ta ila; kha kha min lo ngaih pawimawh sak hram sela tih chu ka rawn ngen duh ani. Thil te tham te te hetiangka kan in confine takah chuan han thlir zim deuh dawn ila ka han ti dek dek teh ang.

Tawipuih sawnin a hmar leh a chhimah hmar lam ami kha a chhim lamah a Branch ang deuhin an hawang a, sikul khat si kha Branch hnihah a lo awm ta a. Zirtirtu an in daih lova, chowkidar te, Peon te kha zirtirtu ah an hman ta mai mai a; class te an la ve ta mai mai a. Chutiang chuan sawlai sikul saw a buai viau mai a. Hei hi rang taka tihfel a nih loh chuan kuminah hian rei tak sikul an kal tawh lo a ni tih gi ka rawn sawi duh phawt a.

Tin, Thingfalah chuanin an High School Headmaster leh an Board te an in ngeih lova, District Education Officer te khan, Board te khan engtin tin emaw khan an ti chingpon kual a. Tunah sawn Thingfal High School-ah chuan naupang panga (5) chiah an lut a. Chungte pawh chu la enggun a ngai viau va. Kan sawrkarah te pawh lehkha an theh lut tawh bawh a. Engnge a chanchin tih hriat a chakawm khawp mai.

Tin, Budget ka han thlir hianin, ka hmu zo lova, Deficit High School te kuminah hianin provincialised tur te an awm e an ti nuak a. Mahsela, chutiang chu ka hmu lova. Awm lo tak tak nge ni a tih te kan Ministerin min rawn hrilhfiah ka duh a. Tin, Primary School chungchang thua hei kan sawi tam ta viau va. VC thlan thu te kan sawi a. Mahse heng bakah hian thlawhbawkah te chuan sikul an mamawh em em mai a, naupang lian tak tak te zirna nei lovin an awm a ni. Chutis chhungin khawpuih leh Group Centre-ah te chuan zirtirtu an indaih em em a. Sahmuã phiar te an phiar a, an muthlu deuh mai mai ani deuh ringawt mai a. Chuvangin heng Group Centre-a awmte hi Thlawhbawkah a tirh theih mai lawm ni? A ngaih pawimawh awm viau a ni. Hei kan kal thui ta viau va. Zirna lamah khawpui mite leh thingtlang lam mite an inthlau sawt viau a ni.

Tin, Pu Thankunga, member zahawm tak han sawim kha ka han sawi duh ve leh a; Text Book chunghang thua khan. Siam that ala ni chuang ta lova.

Tunah hian Text Book tam tak hi chu kan ram awm dan nena inmil tawk lo tam tak a awm tawh a. A bik takin M.E.School leh Primary Schoolah hian a ni deuh bik a. Mizorama Dil lian ber chu Burma ramah a awm tih ang reng te, Jupiter chuan satellite 9 a nei tih lehkhabu pakhatah chuan a chuang a, pakhatah chuan satellite 12 a nei a ti bawk a. Pakhat lehah chuan 13 a nei a ti bawk si a. A eng bera chu nge ni naupang ten an pawm dawn ? Hengte pawh hi ennawn a ngai viau va. Hengte pawh hi siam that a ngai a ni tih ka han sawi nawn ve leh duh a ni.

Tin, kan Finance Minister thusawiah khanin, Budget Present-naah khanin, Science leh Mathematics uar bik a ni ang tih kha a rawn sawi a. Tin, Mathematics ah hian Aizawl District chauh a lang kha, District dang a lang lova, District dangte hi an pe ve dawn lo em ni ? Aizawl chauh hian an hmu sang bik ang a, an presume nge ni ? Hei rawn sawi chiang sela ka duh deuh bawk a.

Tin, playground, construction of playground tih pawh hi Aizawl chauh a ni leh ta mai a. Zoram hi Aizawl chauh hi em ni tih ka zawt duh a. Playground te hi thingtlangah pawh an duh a, khaw tinah an duh tho, chuvangin, Aizawl teh hlir mai chu ka thikhu a lo chhe hman deuhva. Ka dik lo a nih chuan ngaihdam pawh ka'n dil duh a. Amaherawhchu, hei hi a tawk lovin ka ring deuh a ni.

Tin, Cultural grant tih hi a awm leh a. Hei hi tute hnena pek tur nge tih hi sawi chian theih a nih chuan a lawmawm viau ang a. Hei thil tha tak a ni a, Cultural grant hi thil tha tak niin ka hria a. Mizo hnam incheina te, heng Tawllhohpuan thleng hian tihlar chu a tha viau va, a tute emaw hian an lo ngei deuh mai thin pawh a. Hnam incheina te hi tihlar pawh a tha viau va, hengah te pawh hian a tih ve theih dawn em tih te pawh hi min hrilhfiah theih chuan a lawmawm hle a ni.

Tin, hei department te tak te, Weaving department te reuh hi an lar tawh mang lo viau va. Tunlai hian an la awm ve chuan a lang bawk si a. Heng Loom te hi phai lamah chuan Rs 800/- mana sawi te a ni a, hetah Rs 1600/- a chah thlen te in an sawi a, hengte hi enge a awmia ? tihte hi hriat a chakawm viau va.

Tin, Cooperative Society ang deuhva thiltih tum deuhna te a awm a, an han indin a, mahse cooperative lam khun an lo register duh bawk si lova. Chuvangin, mimal hnenna heng Loom te pawh hi pek mai a dik lawm ni tih te. Tin, Lungleiah chuan saw mi District Industry Officer saw an hlawh Drawing Officer a ni thin a. Tunhnaiah erawh chuan an ti leh thei ta lova, Aizawlah an hlawh lak a lo ngai leh ta. Hlawh la tura Aizawl lokal hi a buaitlak viau thin a, sawta tih ve

mai theih tura an tih theih chuan a lawmawm hlein ka ring a ni.

Tin, Industry Department thua, hei entrepreneur hote chu Industry department ah in register tur a ni te an han ti hlawm a. Kan han in register ve bawk a. Mahse, chumi Register chuan in eng benefit mah chu a rawn la chhuah lo a ni. Eng atana tangkai nge tih kha a hriat theih reng reng lova. A register tur khan kum tin chuan a phut ve bawk si a. Hemi grant leh loan te pawh hi a in-register leh register lohte pawhin an hmu tlang dial tho si a. Enge ni a tulna kha kan hrechiang thei lo a no. Chu chu min hrilhfiyah theih chuan a lawmawm hlein ka ring a. Tin, Mizoram Industrial Association nikum khan din a ni a, hemi Association leh sorkar hi engtianga in-kungkaiah nge an nih tih hi hriat a chakawm viauin ka hria a, Mi thenkhatte sawi dan chuan hemi Association-a tello te chu grant leh Loan chungchangah pawh an hmu ve thei lovang tihte sawina te a awm a. Hemi Industrialist Association hi sorkarin a ngaipawimawh dawn nge ni eng ti takin nge an ngaihtuah dawn leh eng dinhmunah nge an awm dawn tih hriat a chakawm viau a ni. Tin, grant leh loan pek chungchangah te hian a rawn zel dawn nge tih te pawh hi hriat chakawm tak a ni.

Tin, Loan chungchangah pawh tunlain thil eng engemaw a ri a, Grace period kha mi loan ruh lehna tur grace period te Industrial Association hianin a nawr mek a tih te a awm a. Hei hi thil puitling thei tur te a ni em? Minister concerned in min hrilhfiyah thei se ka duh bawk a ni. Hengte hi ka ngaih pawimawh te a ni a. Minister ten heng kan point han raise te an rawn chhanna tam tak te hi Pu Speaker, an ne ne ral mai mai niin ka hre deuh tlat mai a. Helai hi a pawimawh khawp mai kan tih te kha, "Nia a pawimawh khawp mai" an t-rawn ti ve leh mai a. Engtianga understand tur nge ni ang?

Chuvangin, Chiang deuhva chhanna a awm theih chuan a lawmawm viau ang a, ka'n pangchang deuh a ni.

Ka lawm e.

PI THANMAWII : Pu Speaker, hmanna General Budget Discussion kan neia kan Minister zahawm takin a khaikhawmnaah khanin tuna kan member zahawm takin a sawi ang khan engemaw ne ne ral mai mai deuh te pawh a lo awm a ni ang a, kan lungawi lo deuh pawh a ni ang a, min lo ngaidam sela. Khangte pawh kha han sawi leh ka duh a.

Tin, tuna kan tihl^oi mekah, Demand 19-ah, Aizawlah grant for Fee remission assistant to Non-Government M.E.School tihah khan a awm ta lova. Hei hi engtizia nge ni ? Khawngaih takin Minister-in nakinah min hrilh-fiah thei selangin. Tin, recurring grant General Maintenance tihah khanin, Aizawlah 379 a ni a; Lungleiah 569 a ni. A inthlau hle mai a, hei hi a inthlahna khawngaih takin min hrilh leh thei sela, ka lawm hle ang. Tin, kawng, building chungchanga kan sawiah khan, a chhanna ka lo hriat kha- khung vai lamah te pawh khuan kal ila, vai daia in tlu lek lek te pawh a tam khu maw, an zah chuan loh khu a ti deuh khan ka hria a. Chutianga in tlu lek lek di leh dap engemaw tia han -- kaih khawm a lang dir diara han awm khu chu zirna Institute a lo nih ve si chuan a zia lo hlein ka hria a. Chuvang chuanin kan sikulte hi tha zawka tih theih ni sela a tha hlein ka hria.

Primary School atanga High School thleng hian tha taka tih nise a thain ka hria. Tichuanin, kum tina a repair nana recurring grant awm thin pawh hi a tlem zawkin a rinawm a. Tin, chu lovah chuanin, pheh hran daih ka'n sawi leh lawk ang a.

Demand 27 ah khan Relief on account of Natural Calamity tih a ni a. Thlipui te, kangnei te a ni ngeiin a rinawm a. Sikulte hian hetiang te hi an tuar ve a. Thlipuiin a tichhia tih te, leiminin a tichhia tih te. Chutiang chuan natural calamity hi an tuar ve fo thin a. Chuvang chuanin leh lam pangah hemi chhungah hianin chutianga natural calamity hi a khung ve theih mai lawm ni ? tih hi ka rawn zawt ve duh a.

Hetah hian kum tina annual repair te pawh department-ah lo pe thin ni mahselangin, Annual repair an pek zawh lawkah khanin annual repaira an lak tur kha an zuk la zova. An repair zo chauh va, thlipui na fe khan a lo tichhe leh ta a. Department lamah han dil leh se, an chanai an lo lak tawh si chuan, sikul in tha mang lova kum tluang han awm tak mai mai pawh a awm mai thei a. Chuvangin natural calamity hnuaiah hianin thun law law chu ni sela, chutiang tuar apiang te chuan hemi hnuaiah hian tanpuina pe ta zawk sela, a tha dawm lawm ni tih chu ka rawtna a ni leh a.

Tin, Minister zahawm takina trained leh untrained tih thu kha ka lung a awi hauh lo mai; min chhanna kha. Kan ram aia hnufual zawk, khung Arunachal Pradesh an tihsan te khu el kher tur a ni lo a ti a. Mahselangin, a bik takin hengah hianin ngaihtuah ngai tak awmin ka hria. Tunah hianin Trained leh untrained hi Primary School stage atangin High School thlengin a inthlau hle mai a. Zirtirtu tam tak chu ked ah

ngei pawh hi ka ni thin a, trained chu ka ni lo. Kum tak tak mahni hnaah chuan lo zirtir tawh thin chuanin ka hrethiam em em a. Chutih lai chuanin sikul pakhatat khanin train thar hlim pakhat kha lo kal selangin, in-ti train viau mai sela, untrained lo thawk rei tawh zawk kha chu tluuk lohna tam tak a nei ang. Mahse hlawhah chuanin tam takin an inthlau mai si a. Chuvang chuanin hei hi siam rual theih ni sela. Mi reng reng a bik takin zirtirtute tan an hnathawh leh an hlawh hi inphu lo lutuka a lan chuan rilru na taka hnathawh ai chuan rilru hlim taka a thawh chuan a thawk tha nge nge thin a. Hei hi ngaihtuah that leh ni selangin. Tichuanin lo thlau ta pawh ni selangin, an inkar hi tlemin a gap hi tihtlem deuh theih ni selangin.

Ram ril zawkah leh hmun ril zawkah te chuanin zirtirtute reng reng, zirtirtute hna dil chu train sa vek an ni. Untrained-in an dil ngai lo, Kan ramah erawh chuanin a train awm lovin untrained hlirin an dil a. Tichuanin, untrained teacher vek an ni. An thawh hnuin sawrkarin deputation-in an tir a, tichuanin .. trained an ni chauh thin a. Chuvang chuanin ram dangte nen chuan kan intehkhin thei lovang a, untrained leh trained an rawn tih hranna chhan pawh hi khu lampangina an dinhmun hi an hriat thiam loh vang chauh niin ka ring a. Chuvang chuanin hemi hi chu en that leh theih ni selangin, a thain ka ring a ni.

Tin, tuna Private High School te leh M.E.School, Adhoc-a dahte hi a rang thei ang berin deficit ah dah vek ni selangin, tun ai hianin hmasawna pawh a tha zawk ang a, tin, sawrkar lampang tan pawh a thawventhlak dawnin a rinawm a ni.

Tin, Demand 37-na : Khadi & Village Industry tihah khanin khani Khadi & Village Industry tih kha tulin ka hre lova. Industry Head dang khanin a huam vekin a lang a. Chuvang chuanin hemi hi ka hriat danin Bee Keeping lampang tein tih niin ka hria a. Bee Keeping hi trained pawh kan nei maal in a lang a. Khawizu hi kan duh hle si a, tuna kan khawizu neih tam ber hi chu khamrang kara mi, thi leh dam kara an cheh chhuah te a ni a. A man pawh a tam em em a, saidawium phek dir der, tui pawlh loh a nih chuan a man chu Rs 20/- te a ni a. Chu ai chuan Bee keeping lampang hi sorkar hian uar sela, hmun dangah te pawh kan lo hmu tawh a, Amateur Bee -Keeper te pawh an hlawk em em a ni. Hei hi thiltih chi tak niin a lang a, tun-hma lamte khan Bee-Keeping lampang hi kan lo sawi uar tehchiam ngai lova. Khwai Babu te kan ti a, kan nuihzat mai mai thin a. Mahselangin, hei hi chawisan chu tum ta ila, thil hlawk thei tak niin a lang a.

Tin, Mineral Exploration for Survey and Investigation tihah khan, khatah khanin a sun awma kha

ka sit rilru viau mai a. Kan ram hi Mineral Exploration tak tak hi tih a ni tawh tih ka hre lem lova, lo tih tawh te a nih chuan ka hre sual a ni ang a. Kan ram hi mineral-ah hian tlachham dera ring te pawh an tam a, amaherawhchu a tlachham der a rinawm lo a ni. Hmanah rei tak a ni tawh - Tuihawkin lei a len a, chutah chuan lungalhthei tlangte pawh alo chhuak reng a, tih te pawh kha alo awm a. Tin, chutiang chuan mineral lampang chu kan ramah hian a awm ve ngei ngei ang tih chu a rinawm a. Chuvang chuanin hemi hnuai hianin sun tam zawk pawh lo phalrai ta ila; mineral Exploration hi urhsun zawk leh tha zawka beih ni sela. A rang thei ang bera tan ni nghal mai selangin.

Geologist te pawh hi lo kal sela, theihpatawp chhuahin han ti selangin, kan ram hi hausakna nei lo tawp a nih ka ring lo. Lei hnuai lam atang hian enge naw chu kan hai chhuak ve ngei ngei chuan ka ring tlat a ni.

Chutiang a lo nih chuan Arab mi hausa te pawh an rama Petroleum a awm vang a ni mai a. Chutiang chuan kan ramah hian Petroleum te pawh lo awm reng pheii sela chuan hun rei lo teah ram hausa ber kan ni mai thei dawn a. He lam-pang hi Pathinin engemaw chu hausakna a dah ve ngei ngei a rinawm si a. Hei hi tih mai mai ni lovin, a head-ah pawh hianin sun tam zawk dah nisela. Tih takzeta tih ni selangin a duhawm hlein kahria a. Chuvang chuanin tuna ka rawn sawi tak zawng zawng te kha a bik takin kan Minister-in khawngaih taka a lo en bik atan leh tihdan ren a lo ngaihtuah atan. Trained leh untrained chungchang thua gap a awm lutuk hi inanga kaltir kha a remchang lo a nih pawhin tlema untrained hote pawh hian lungawi taka an lo thawh ve theihna turin, Primary atanga High School thlengin a bik takin hei hi ka rawn ngen leh duh a ni.

Ka lawm e.

PU LALTHANZAUVA : Pu Speaker, ka hmaa member zahawm takina a rawn sawi kha (Speaker : Tawi te, minutes 5 lek lek sawi ni tawh sela) tawi te in han chhonzawm ve ka duh a. Khata school building chungchang kha a ni viauvin ka hria a. Hemi Primary School atang hian chowkidar dah chhoh vek ni selangin, a thain ka hria a. Hetah hianin hlauh lampanga inthlauh zungna te a awm a. Mizoran chuan Primary zirtirtute leh High School zirtirtute hian Central Pay Scale an enjoy thei a. Nimahsela, M.E.School zirtirtute hian harsatna an nei ta bik a. Vawkreka fate an sawi ang main an in ang lo zung mai a. Hengte hi kan Minister concerned chuan khawngaih takin lo en leh selangin. Engtingge M.E.School zirtirtute pawh hian

Central Pay Scale chu an enjoy ve theihna kawng a awm em ? tihte lo en selangin..

Tin, hei thil train hi a pawimawh em em a, I.T.I. Training Centre te kan nei a. Hengah hian thil chi 5 train-na kan nei a. Nimahsela, henga train chhuak te hian hna an hmu leh mai thei si thin lova. Chuvangin, heng a train chhuak te hian hna an hmu mah mai theih nan, sawrkar hian ngaihtuah sela, Chutichuan, midangte pawhin train an rawn duh zelna turin mi thiam an tamna turin a pawimawh em em a. I.T.I. training Centreeah khuan Electrician te an train a, chuta tan chuan Matric pass kher an ti a, tin, Wireman atan ti a, Matric pass lo tan an train thei a. A course chhung chu kum 2 ve ve a ni a. Nimahsela, an han train chhuaha hna an thawh hian an hlawhte a thumun leh a. Tin, Matric pass hnuah kum 2 lai an train hnuin electrician an pass chhuah hnuin LDC pay scale bawkin an thawhtir leh mai a. Hengte hi train lova LDC Matric pass ten an lo thawh tho in ang renga kan tichho te hi midang lo zir duh zelte tan a encouraging lo em em a. Hei hi ngun deuhva en that leh niselangin.

Tin, kan Education department hi a lian em em mai a, sawiselna pawh a tam a. A bul atanga en that ngai tan tak a awmin ka ring a. Tin, hei supervising staff te phei hi an rethei em em mai a, Field Staff an ni bawh a. Vehicles lante hi pek a awm lova. Tuna kan budget demand kan en pawh hian vehicle provision a awm lova. SDEO te phei hi chuan kum khata an tangka deh ral te han thlir hian PWD Division lem ber pawh hian kum khata an tangka deh ral hi a han phak lova. Chutah chuan office lamah, office Assistant te en ilangin, an nei tlem em em a, ammahni hi Field Staff te anga ngaih, khaw hrang hrangah te zin tura ngaih, chung an kalna tur chuan vehicle pawh pek an ni lova. Hengte hi kan Ministry thar te chuanin ngaihsak zui ni selangin, hna an thawk tha zawkin ka ring a.

Tin, Demand 37-na hi kaichho leh mai ila. Kan ramah chuan sawhthing chin kan uar em em a, kuminah ngeite pawh a hralhna te kan hmu lova, kan la dah nghek nghuk hlawn a ni. Kan ramah hian ginger dehydration Plan te hi nei ve ila chuan tuna an dah tawih teuh te pawh hi a tih dan tak pawh a awm thei ang a. Ka hre sual a nih loh chuan nikun lamah khan heng hi kan sawrkar hian tih tum hlein ka hria a. Mi pakhat heni a plan vel ngaihtuah tura training tura an tirh tawh kha awm tawhin ka hria a. Chumi train zo inti te pawh chu ka kawm nual a. Nimahselangin, engatinge hlan zuihin a awm leh ta mai a. Kumin Budget kan en phei chuan hei Provision a awm lova. Nikun lama train tura mi pakhat an tihh kha an duh tawh ta mai em ni ? Hengte pawh hi revise Budgetah te pawh thun leh ngaihna a awm em ?

Tin, chutiang bawkin Plywood Factory pawh hi nikun lamah te provision pakhat mah awm lovin a lo awm leh ta a. Plywood Factory phei chu kan ramah thing kan la nei tam em em a. An sawi hmangin thing chhia a duap kan tih ang, a hman tlak loh ang apiang hi Plywood atan phei chuan a tha e an ti lehngal a. Hengte pawh hi kan ramina pawisa kan lak luhna tha tak niin ka ring a, hengte hi kan Minister i/c chuan lo bihzui leh sela, revise budget-ah te thun leh chi a ni em tih te lo ennawn tha leh se ka duh a ni e.

PU BIAKCHUNGNUNGA : Pu Speaker, (Speaker : mahse, minute 5 lek zel) tunai ka hmaa member zahawm takin a han sawi kha ka thlawp viauva. Wawin niah hei, Education chanchin

kan sawi hian sawrkar hi ding tan tirh a nih avangin engemaw chenah chuan kan Minister te pawh kan hriatthiampui theuhvin ka ring a. A chhiat leh a that hi sawiha hun atan a la hma lutuk a. Amaherawhchu, heti laia House-a kan lo sawi ve atang hian kan Minister te pawhin huai taka thil tha nia an hriatte leh House-a kan lo sawi ve te chu an lo bawhzui theih chuan thil tangkai tak a nih theih ka ring a. Director te, Officer te fel tak tak kan nei hlawn a. Hengte hi hman tangkai chuan hna nasa takin a thawh theih ka ring a. Amaherawhchu, hun kalta kan en erawh chuanin, hengte hian anmahni approach hrim hrim maia hi kal minimum zawnga kal an ni em aw tihte hi a ngaihtuah theih a. Chuvang chuan inthlahrung lutuk lo selangin, an felna leh an ruahmanna hi huai takin ti sela, a kal tlang lo a nih chuan, a kal tlang lohna chumi lai taka ni chuan mawh a phur a ni nai. Heti laia an ti leh lovang tiha hlauhthawna awm lutuk thin hi bo sela a tha viauvin a rinawm.

Tin, Pi Thanmawii, member zahawm takin, zirtirtu train leh untrain thu a han sawi kha a tha viauin ka hria a, en that leh ni selangin a thain a ka hria.

Tin, Pu J.Thankunga, member zahawm takin a rawn sawi kha, deficit chin a rawn sawi a. Mahse, Adhoc te pawh hi an ni zel a, kang kha Government-in a enjoy ang chi hi chu ngaihtuah dan awm thei sela, sikul puitling theuh theuh te hi chu mamawh dan hi a in ang reng si a; heti laiah hian kan Minister zahawm tak khan chhanna te chu a rawn siam tawh a. Khami a rawn chhannach khan kailpawhka rilru a nuam meuh lova. A dawrawm zawnga a rawn chhan te kha niin ka hria a. Khatiang zawng kha niin ka hre lova. A bik takin harsatna kan tikiang thei lo a nih pawhin engemaw chen chu tih theih a awm a ni. Chungte chu a mal malin hmannah khan ka rawn sawi tawh a. Kha pawh kha kan Minister-in lo hre lehzualin a theih ang chhun chhun tih kian erawh chu an tum ka duh a ni.

Tin, tuna ka han sawi tum tak te pawh hi sawrkarin a tihtur sa reng, an lo tih mek laite pawh a ni mai thei a; amaherawhchu chin chang hriat nan leh member te ngaihdan hriat nan a tangkaiin ka ring a. Pu Speaker, College Education lam hi kan la sawi tlem viau mai a, minute 5 chu min pe na a. Hei kan sawi tam ta viau va. Mahsela, College Education lam hi kan la sawi tlem viau mai a. Member Mahawm tak Pu H. Kiautuma khan a rawn sawi nual tawh a, Lunglei kha tlemte kha a rawn sawi nual tawh a. Amaherawhchu hei afa tam deuh hi sawi a ngai a ni.

Hei kan ram thang zelah hian College Education hi a pawimawh hle a, kuminah ngei pawh hian a pawimawhzia chu a lo lang nghal mai a. Matric pass pawh 2000 rual dawn emaw kan niin a lang a. Tunah an la tling lo a nih pawhin supplement-a pass te pawh an lo awm ang a, chungte nen chuan an tling ngeiin a rinawm a. Sawrkarin, ngun taka lo ngaihtuah a, kuminah ngei pawh, mi tupawhin admission a zawn chuan, Pachhunga College-ah emaw, Aizawl College-ah emaw tal chuan seat chu an pe vek tur a ni. Hei hi seat a awm lo tia an inhnar lohna thrin kan Minister concerned pawh ka han ngenna a ni nghal bawk a ni.

Tin, chumiah chuan hei Aizawlah College 2 kan nei a, Aizawl College chu naupang pawh an thahnem hle a. Hmanniah Highlander ah te pawh an rawn chhuah a. Zirtirtu 16 an awm a ni. Zirtirtu 16 an nih lai khan naupang zirlai chu 1200 vel an awm a- Amaherawhchu kha pawh kha an la pung zel niin a lang a. Chutiang a nih chuan zirtirtu 16 chuan zirlai 1200 atanga 1300 lai an ho dawn a nih chuan class tinah class chu 8 an awm a, class 8 a lo nih chuan, 150 vel zel a insem a lo ngai ta a. Chu chu College Education atan a hrisel lo hle a ni. Class khata 150 chu public meeting a ni deuh ber mai a ni. Chuvangin, hetiang hi uluk taka kan thlir a ngai a ni. Naupang .. heti zozai awmaah chuan zirtirtu pawh an tam tur a ni a. Dan naranin College-ah hian Lecturer pakhatin kar khatah 14,15,16,17,18 heti lai kar vel hi an la deuh ber a. Reader te chuan an la tlem deuh va, Professor te erawh chuan an la tlem leh deuh va, chutiang chuan a kal a.

Engpawhnise, 16 vel pangah hian la ta ila. Period 16 an lak dawn chuan hei class chu subject 6 a awm a, khatianga kan tih chuan tuna zirtirtu lo awm tur, naupang 1200 vela zirtirtu 16-in an lak chuan class kha class 8 te an lak khan period khatah 15,16 vel hi kar khatah an la thei a ni. Kha kha College dangah pawh an kal dan tlangpui chu a ni thei viau mai a. Amaherawhchu, naupangte kha an tam avangin an thiam lohte kha hrilfish theihna hun an nei thei lo reng reng a ni. Chuvangin, hetiang hi thil pawl tak a ni. Hei hi engtingge kan siam

that theih ang ? Class tur pawh hi 50 velah chawk rual ta ila. Class khatah 50,60 te a ni deuh ber a. Chutianga tih dawn chuan zirlai 1200 vel bawr awm naah chuan class zat tur chu 24 a ni. Tin, lecturer pawh hi 16 awmnaah khan 42 a ngai a ni. Chuvangin, heti laia kan College neih chhun ti mai ila, hengah te hian engti fakau in ngeharsatna kan neih ? Lecturer lak te hi ava harsa em em ve ! Present Staff chu class 8 ah 24 kan mamawh chiaah a ni a. Lecturer chu 16 kan nei a. Aizawl College-ah chuan 42 an mamawh a. A pawimawh leh ber chu Lecturer 16-ah khan 5 te chu pawm loh an la ni leh ta nghal a. Engtiziang ni a minimum zawng hlira kan kal thin hi, a paw ngawt a ni.

Chuvangin lecturer 42 awmna tura 16 han awm hrim hrim te pawh chum kan la sawi uar duh lo, 11 an awm a nih zawk chu. Mi 5-te kha chu pawm loh, College-in ala tum ngar ngar a nih chu, hei hi a paw ngawt mai. Kan Minister concerned-in hei hi ti vat se tih chu ka ngenna a nih chu.

Tin, zirlai 1200 vel awmna ni si a, khatiang khawpa retheia kan awm chu, hei kan Government College neih chhun chu University-in a. la dawn tih ri a awm a. Hei hi kan Minister pawhin engtikah nge an lak dawn tih pawh min han hrih sela. Hemi Pachhunga College hi sawrkarin an lak chuan hei pawh hi zawhna awm lian thei hlein ka hria a. University-in hemh College puitling tawh han lak ringawt mai hi, keini heti laia zirlai lo awm tam tial tialin demand a san tehlu nen, engatinge a hrana an din mai loh ? Tunah hian nikhua alo tlai tawh a nih pawhin hei hi a tihdan chu la awm thei hram se a thain ka ring a. A hran liau liauva din a harsa a nih pawhin Aizawl College hi a tihdan a awm mai lawm ni ? Engpawhnise, hei hi tih-tur a ni tawh a, loh theih loh a nih chuan chu chu a paw viaw va, tih loh theih dan awm thei nghe nghe se ka duh a. An la dawn rau rau a nih chuan Pachhunga College-a ;ecturer te, Professor te dinmun zel turte hi engting nge ? Heng dinmun te pawh hi zumal taka siamfel a ngai a ni. Chutianga an lo la ta a nih si chuan Aizawl-ah chuan Government College chu pakhat tal chu a awm ngei ngei tur a ni. Chumiah chuan heng Lecturer awm te, Professor te an Principal leh Vice Principal hial te pawh engti ang chiahin nge an dinmun tur kha a rawn danglam viau mai thei a ni. Hengah hian pawm leh pawm lohte pawh an nei nuaih mai thei a ni. Khatiang kha lo ni ta sela, duhte pawh han thlantir dawn ta ni ila, khawiahnge duh-: thlanna tur ? College dang a awm si loh chuan ?

Lungleiah a awm e tih vang ngawtin tir pheih dawn ta ila, a nalh baw si lovang a. Chuvangin, a thawktute hi lungawi lovin an awm tur a ni lo. Chumi an lungawi theihna ngei tur chuan anmahni pawh biak

rawna an rentihna te pawh lak ngei ni sela. Chutiang a lo nih si chuan Aizawl College whi chu lak theih ngei ni sela, thil tha tak niin a lang a. A theih ngang lo a nih pawhin Deficit-a dah chu thiltih makmawh niin a lang a ni.

Hei hi kan enkawl ngun hle loh chuan kan harsa hle dawn a niin a lang. Building lamte land te pawh a rang thei ang bera kan ngaihtuah a ngai a ni. Chuvang chuan helai thil kal vel hi kan Minister concerned lamte pawhin thil an ti thovin ka ring a. Helai hi thil pawimawh tak, Public Interest tak meuh meuh a nih avangin ka rawn sawi a ni.

Tin, a tawpnaah chuan, hei Board chungchang thu pawh hi Aizawl College Governing Board an tih chungchang thua hian, engtingge hetah hian an tih a, eng dan nge an hman a, mumal tehchiam lova thil kal te a awm em? tih te pawh chu ka han zawt duh bawk a. Mizorama College kan neih ah te hian Dan mumal a awm lo em ni? A awm a nih chuan eng dan te nge kan hmana tuna a awmsa te hi a tir atang khan vawin ni thlengin ala ding ta zel mai niawn a ni a, hengte pawh hi tihdanglam vat a thain ka hria. Nichina ka sawi ang khan, a hmasa berah chuan he-mi College a Board hi siam that phawt tur a ni. Tin, Fund raising tihah hian College Lecturer 5 tih loh College maintenance tur kha pawisa pawh an zawt fet a ngai dawn a. Hetianga Ad-hoc -a awma, 5 te chu pawm loh la ni leh nghal si te hi an khawngaihthlak ngawtin ka hria. An fakawm hle bawkin ka hria, hetianga an la kal zel thei hi.

Amaherawhchu, chutianga Dan mumal vak lova kan dingte a niha Board te pawh chutiang chen lokal tawh an nih chuan an dinhmun hahthlak dan tur kha ka zuk hriat lain, khatianga an fund hmuh te pawh kha mumal taka hman leh awmze nei taka tih a ni angem tih te a ngaihtuah theih in ka hria a. Dan mumal awm lohna, Board meuh pawhin ar khawthin dai chuan tu tuteemaw chuanin leh a thunei deuhte chuanin fund te pawh kha ka lo puk ang e tihte leh heti zat hi ka hlawh a ni ti tea lo tham kual mai mai te pawh lo awm se thilmak a ni lem lovang. Chuvang chuan, heng thil . . . hi a rang thei ang bera tih ni sela.

Tin, College-ah pawh a in ang leh ta lova. High School ang bawk a ni a. Lungleiah te pawh Government College a awm a, Budget-ah pawh hian Vice Principal kha a awm lo niin a lang a. Hengte pawh hi College ah chuan tih makmawh a ni a. Administration lam hi a hau tak em em a. College kan neih reng rengah chuan Vice Principal chu neih ngei ngei tur a ni a, Aizawl College ah te ngei pawh hian tih chu ka han tarlang duh a. Aizawl-ah ber hian thil chu a harsa niin a lang a, Lungleiah chuan a tha e, Champhai leh Serchhipah te chuan naupang an tlem em em mai a. Hengte pawh hi Aizawl duhsak theih deuh dan leh anni pawh chu tha taka an ren tho nise, tih te chu ka han sawi duh a ni e. Ka lawm e.

PU C.L.RUALA : Pu Speaker, hmasain Demand 37-naah hian sawi tur tlen ka nei a. Hei Handi Craft Training-cum-Production Centre for Cane and Bamboo a ti a. Hetah hian kan dahna hmun tur te chu Aizawl, Champhai, Hnahthial a ni a. Hei hi kan tihtur tak pawh a ni a. Silchar hovin an duh tawkin kan mau leh hruite an la a, an kual mai mai a. Dawhkan tha tak takah te, Sofa setah te an rawn siam a, kan lo lei thin a.

(Current failed)

Tin, Coal hi kan mamawh leh a. Manipur Cement plan pawh khian hlep an neih loh bakah a hloh a tulna chu lungalhthei te an neih loh vang a ni a. Lungalhthei pawh nei lo Limestone te nei lovina Mine Cement plan kan han rawt ve ngawt te hi chu a kawng a bo char char hian/hre /ka ve khawp mai a. Hei hi chu kan hotuten an en a, chutiang ti' thei tur te kan nih hlahu chuan kan Minister-in a awma hmun te min han hrilh bawk sela, ka zawt duh nghal bawk a.

Tin, hei Investigation, ginger oil, ginger dehydration tih, chutah chuan Rs 200,000/- vel kan han dah a. Nikun lama kan plan, Budget-a awm tawh ginger Dehydration Scheme te chu pah chhuah a ni leh tawh si a. Scheme pakhat hi House kan han pass tir thin ang a, a dangah kan lawn leh ang a, a dangah khati khan kan kal lawn leh mai mai dawn em ni ? Kuminah pawh hian hemi Rs 200,000/- pawh hi han pass sak ta' ila, nakumah chuan a economic love tiin kan kalsan leh mai mai dawn a nih chuanin kan zuang lawr mai mai dawn niin a lang a. Hemi chhung hian kum a lian zel bawk si a, thil tak tak ti lova kan hunte hman lovin a inruahannaah hian kan inhmangzo tak tak ang tih hi a hlahuawm & Chuvangin hetah hian Agriculture Department hian beiseina tak tak an nei lo a nih chuan hengte hi tih chiah ka ruat lova.

Tin, mini Cement Plan te phei hi chu min la chhang ang a. Tin, beiseina an neih loh phei chuan Plywood atan leh ka duh a ni a. Plywood atan phei chuan raw material kan ngah lutuk. Meghalaya Plywood sianna neitute pawhin kan thing a ni an rawn dil ni. Kan sorkarin a pe dawn nge dawn lo tih ka hre lova. Kan thingtum min rawn dil ringawt nei a ni.

Chuti a nih si chuan helaiah raw material kan neih si chuan kan tan ve nghal mai dawn lawn ni ? Commercial Plywood-ah phei chuan hnah thling hlai pui pui, tla kawlh chi saha var diai duai ti a tlak vek a ni. Chuvangin, Raw Material kan neih ngei hian kan Industries Department te hian thil rawn ruahmah sela, a thain ka ring a.

Tin, Mineral depletion atan khan Scheme a awm tan a, a lawmawm hlein ka hria a. Hei kan ram hi survey loh ram a ni a, mahsela survey a awm zeuh zeuh tawh a. Oil chungchang ah chuan 1962 khan M.M.Munshi, Geologist chuan report a pe a. Chutah chuan Mamit atanga 2 KM ah oil a awm e a ti a. Chumi hnuah chuan tumah en lehtu an la awm lova. Tin, 1974 khan Chhimituipuih leh Khawthlang Tuipui Demagiri bulah leh Darzo kaliah gas a sample te pawh an la a. Geologist a rawn titute pawh an hlin hle a. Mahse, chu pawh chu wawin thlang hian ngaihthah ala ni ta zel a. Chungte ngaihthah zui tur chuan helai hmanrua kan neih ve hrim hrim pawh hi a tha hlein ka hria.

Demand 19-naah khan kal nghal mai ila : Hetah hian Girls Hostel tur ruahmanna a awm a. Hei hi khawiahnge sak a nih dawn ? Nikum lamah te pawh khan a awm tawh a, PWD hnenah pawh pawisa pawh pek a ni tawh a, khawia sak tur nge tih ka hre duh a.

Tin, Physical Education lamah hian Stadium atan te, Swimming Pool atan te a awm a. Hengte hi thil kan neih makmawh niin a lang a, heng hi khawiah te nge siam tum a nih ka hre ve duh a.

Tin, Politechnic atan khan Budget tha tak kan nei a. Technical Education hi kan mamawh avangin helan pang hi kan uar zel a ngai a. Tin, kan Minister khan hmanni khan Science leh Mathematics uar tur thu a sawi a, mahsela Education department hi ngun taka han en chet chet hian Science leh Mathematics lam uar aiin Sports lam kan uar dawn niin a lang a. Kan Budget kha ka hru ve thiam lo a nih loh chuan- For improvement Science atan bik chuan Lunglei bial atan Rs 30,000/- kan nei a, nimahsela, sport lam atan chuan Secondary School atan vek Lunglei bialah Rs 100,000/- kan nei a ni. Chumi awzia chu Sport kha science improvement aiin kan ngaipawimawh zawk dawn niin a lang a. Tin, chutiang bawh chuan hei Non-Government High School atan Annual Sport atan Rs 35,000/- kan nei a, mahsela sport improvement atan chuan Rs 30,000/- kan nei a ni. Chutiang chuan sport lam chu kan uar zawk . deuh zel niin a lang a. Kha kha Science lampang kan ngaipawimawh dawn a nih chuan ennawn leh a ngaiin ka ring.

Tin, High School recognition chungchangah hian Board of School Education hian thu an nei dawn niin ka hria a. Nimahsela, Inspecting staff an nei lova, Inspecting staff nei lovin ralkhat atangin an ti tawp tawp mai dawn em ni ? tih ka ngaihthah a. Tin, hei High School Leaving Certificate Examination Centre-ah te hi chuan anni Board ho tihtur niawm tak a ni a, nimahsela a school recognition chungchang hrim hrimah hi chuan anni Board-in an tih chuan a fel tawh lovin ka ring.

Hei a Inspecting Staff pawh hi rin aian thil an hre lo viau mai a, Tawizo chu in 52 lai an ni a, School zirtirtu an pe hlek lova. Buai hna pawhin in 15 aian an tan ngai lova te an ti mai mai a. Anni chuan chutianga zat lai an awm en ni te an ti mai mai a. Kei chuan ka han kal a, ka hmu ngei a ni ka ti a. Chutah chuan zirtirtu pakhat chu pek an tum ve ta chauh niawmin a lang a. Chutianga a staff lan pawhina an ralkhat tih deuh . nia a lan lain staff, Inspecting staff nei lo chuan thil tan tak an tisuai hmanin ka ring a, chu chu kan Minister concerned chuan alo enfel ka duh bawka ni.

Tin, L.P.Teacher hi a bik takin Bawka ten an nei lo hle a, in 200 te in 120 te pawh zirtirtu pakhat sawrkar atangin an pe thei chaukva. Chuvangin, helamah hian zirtirtu tam zawk an pek thuai thuai a tul a. A bik takin kumin chu tam a ni a, private a han chhawr chu an harsat en em mai bawka ni. Mahse a loh theih si lova, pakhatin zirlai 100 chuang kha a enkawl sang si lova, pahnih enaw te an lak belh a ngai a. Tichuan, nitina an inhlawhfakna atang khan an han sik chhuak ve leh a. Chutianga chuan hlawh an pe ta thin a ni a. Chuvang chuan L.P.Teacher hi Bawka atan bik hian ngun taka ngaihtuaha pek thuai thuai ni sela, tih ka'n rawt duh bawka ni e.

Ka lawm e.

SPEAKER : Tunah hei hun a tam tawh lova, 10 minutes kan ka nei a. Member te chuan in sawi tawh hle tawhin ka hria a. Chawhnu lamah chuan Minister-in hrilhfiah tur zawng zawng a rawn hrilhfiah ang a, Member te tan erawh chuan hun ka hawng tawhin ka ring lova. Chu chu - Tunah hian member te reng reng khan, bench-a thusawite khan helaia thil duhtawh lohna thu, improvement thu, hna kan sawn zawkna tur thu sawisel chuang lova lungruai taka sawina ni deuh vekin ka hria a. Tunah hian a kharna tur angin Pu V.L.Hruaia ka'n ko leh phawt ang a. Tin, chumi hnuah chuan thil announcement tur tur ka nei a. Chu chu ka announce ang a, recess in kan chawh ang chu.

PU VANLALHRUAIA : Pu Speaker, ngaihmawh a tam thei viau va. Amaherawhchu hun a tam loh avangin han tih zar zar ka han tum ang a.

Hemi Demand No.19-naah khan, nichinah khan member zahawm tak Pu Biakchungnunga khan a rawn sawi tawh a. NEHU hian Pachh-unga College hi July 1978 leh October 1978 thla chhunga lak tur ang nia an sawiah hian Lecturer ho tuna an dinhmunah khuan an chibuh phah

viau dawn a. A chhan chu option kha pek loh theih loh an ni dawn a. Chumi option-ah chuan khawiahnge anahni chu hnim phun an nih dawn ang ? Tuna an dinhmunah hian non-transferable an ni si a. Heng chungchangah pawh hian buai thlak tak awmin a lang a.

Tin, chu lovah chuan Aizawl College hi hmannia discussion-a kan sawi tawh ang leh member zahawm tak ten an sawi tawh ang khan, tukverh atang te, kawngka pawn atang tein lecture an ngaithla e an ti a. Sawti khawpa hmunin a zawh tawh loh siah chuan, helaisa mi NEHU-in a lak baw si a, zan lampanga tuna Rs 100 chauh an peknaah hian hemi hi thiltih hleih theih a lo nih loh phei chuan student ten harsatna tam tak an tawh dawn a, chutiang chu a nih avangin sawrkarin Aizawl-ah hian Government College hi a rang thei ang berin hawng leh sela.

Tin, chu lovah chuanin vawiin ni thleng pawha Principal chungchang tihfel loh leh mumal lova an la awma saw a rang thei ang bera tihfel a ni baw si sela a thain a lang a ni.

Tin, Education Department hrim hrim hi sawi-sel kai pawl tak an ni thin a. Amaherawhchu, an bial hi a zau em mai pawh a. Chuti chung chuan vawiin ni thleng pawha hna chanpual pawh nei lova spare wheel ang maia awm mai mai an la awm ang lawi si a. Heng chungchang te pawh hi chinfel a, decentralisation tih ngei ni sela. Chumi ni lova mi pakhat chung a emaw pahnih chung a mawhphurhna zawng zawng in phurhtira a hnuai lama ni ten power nei si lova, officer lian pui pui thut nilen ngawt hian awmia a nei hranpa lo. Chuvangin, mahni hna chanpual theuh tih a nih theih nan.

Tin, chu lo lehah chuan Cooperative chungchang ah hian Demand 29 naah khan, member zahawm tak Pu J.Thankunga khan a rawn sawi tawh a. Heri Society hrang hrang zo khaw lama kan dinte leh khawpui chhung ngeiah pawh uluk zawka chinfel ni sela a thain ka ring. A lan dan chuan pawisa hi an thei sem mai a, chu chu a management leh a audit lampang hi an ngaihtuah the leh si lova. Hmun tam takah intihvuina, politics ah te pawh khaw thenkhatah te phei chuan an la a, he thil hi pawl tak a ni. A sing tela sem si kha vawiin ni thlengin hmuh tur, sahbawn tlang khat pawh a awm tawh lova, chuvangin mumal deuhva heng thil hi chinfel ni ngei sela.

Tin, a tithei ngei tur leh a nihna ang tur taka hman te hnenah thlir nguna chuti zawnga pek chu nisela. Hmun thenkhatah chuan chhungkhat pet petina an pawisa insem duh vanga din mai niawm takte pawh awm a ni. Hei keini Chaltlang vengah te pawh khian chutiang society chu a ding ve a, amaherawhchu chu society hmel chu hmuh tur a awm hauh lo a ni. Tangka engzatnge an lak tawh kan

hre lova, mahse chutiang thil te pawh chu awm theih a nih avangin chhut chian a ngai viauin ka ring.

Tin, Demand 37-naa Industry chungchangah hian kei ka lo tuina ve a ni a, ka rilru lo pek vena thin a ni a, hmanni General discussion-ah khan tam tawk fe chu ka sawi tawh a. Amaherawhchu, tunah hian ka sawi duh zawk tak chu staff lam an tlakchham thu hi a ni a. Chutia an tlakchham nak alai chuan Technician mi, khani khawl laupang hria ni lovin, chemical lama mite an han la daih mai a. Chungte chu a chang leh Sericulture lam te an han enkawltir leh rih thin a. A buai em em mai a, a mika nak pawh an hriat lohna thilah khan officer lian tak tak kha dah an ni lawi si a. Hengte hi a nihna tur ang taka tih nisela a thain ka hria a.

Tin, chu lovah chuan bungraw thuah chuan approved firm leh approved rate neih ni sela thil dik tak niin ka ring a. Chuti ni lova engemaw tia tih lui lui mai hi thilfel niin a lang lo. Tin, Bee

Tin, Bee-Keeping chungchang a lang tlen hle a. Lang tlen awm tak pawh niin a lang a. Khuai bawm sem bak chu tih an nei lova. Hemi thilah hian Bee-Keeping Demonstrator te tan hian kaisanna a awm lo emaw tih tur hial a ni a. Kum 15 te Bee-Keeping a an awm tawh hnu pawhin Demonstrator an la ni ringawt mai a. Tin, Bee-Keeping Demonstrator te chu office-ah hna pawimawh an thawhtir a, chutiang te chu a nih avangin an tan hian an kaisanna tur kawng hawnsak a tul hlein a lang a ni.

Tin, Chaltlanga UGTTI chungchangah khian: Khita trainees ho khi kum hnih atana buatsaih sak an ni a. Amaherawhchu nikum lam leh kum hmasa lamah te khan kum 2 a atana ruahmann ni lo, khawinaw lai atanga pawisa sawhkhawm huang an nih avangin pawisa an tlachham a, dik takin hun engemawti chhung phei kha chu keimah hian ka chawm titih hial a ni. Ka tangka hi an puk fo thin a. An dinhmun khi kum khat atana ruahman a nih ang ngei hian tih nisela. An tan hun khawhralna mai mai a ni a. Tin, chu lovah nupui fanau chawmlai nei an ni a, an hlawhte a pung chuang si lova, khilala pa chang, an syllabus te han ena kum 2 tla pawh ni lo, kum 2 an awm luihtir tlat fo mai khi thil fello tak mai a ni. Chuvangin, heng thilah hian mumal taka tiha helai B.Ed zawk pawh kum khatah an zo thei a ni a, an syllabus pawh a tam zawk mah si a. Syllabus tlen zawk si, tih tur nei lova pachang awm khawm tir ringawt khi an tan a harsa lutuk a ni. Chuvangin mumal zawka siama kum khat chhunga awlsan tea thian zawka zietir theih niin a lang a ni. Chuvangin, kum khata tih nise a thain ka ring a ni.

SPEAKER : Tunah chuan kan chawhma hun chu kan zo tawh a, mahse recess kan neih hmain thil puan tur ka nei a, chu chu hei hi a ni a.

Appointment of Chairman of Estimates Committee and Public Accounts Committee.

Hon'ble Members have already been informed of the names of members elected to the Estimates Committee and Public Accounts Committee of this House. I have to inform the House that I have appointed Pu K.M. Biaksailova as the Chairman of the Estimates Committee and Pu Vanlal-hruaia as the Chairman of the Public Accounts Committee. Both the Committees will assume office with immediate effect.

Thank you.

Tunah dar 2 p.m. thlengin recess kan nei ang a, dar 2 p.m. ah chuan kan Minister in a sawi tan ang.

Recess till 1400 hrs.

2.00 p.m.

SPEAKER : Awle, tunah kan chawhnu session chu kan lo tan leh tawh ang a. A hmasain member ten eng eng emaw, tlem tlem sawi duh an la neih thu ka hnenah an la thlen avangin minute 15 chhung chauh thu sawi lehna hun kan hawng leh ang a. Chumi hnuah chuan minister tan chanpual kan hawng tawh ang. Minute 15 chhung chauh kan hawng ang. Tin, a tanna turin minute 14(4) chhung sawi turin Pu Hipheia ka'n ko ang a. Minute 4(11) aia tam hnan loh tur a ni ang.

PU HIPHEI : Pu Speaker, minute 11 lai hun min pek avangin ka lawm a, minute hnih chhunga sawi zawh ka tum ang a, a theih hram chuan.

Education hnuaiiah khan ka sawi duh pakhat chu, hei High School Leaving Certificate exam ho hi kunin hi Old Course atan hun hnuhnung ber a niin a lang a. Old Course lo zir tawh te tana hun dang an hawn belh sak loh chuan anni ho tan H.S.L.C. pass hi a har tawh dawn a. Chuvangin sorkarin hemi la pass lote tan hun dang hawn sak leh thei sela tih ka'n sawi duh a. Chu chu kan Minister hian khawngaih takin min ngaih pawimawh sak thei sela, chuti lo chu an dam chhungin H.S.L.C. an pass hman lo emaw a lo ni ang a, an tan New Course-a han kal leh kha thil harsa a ni dawn a.

Tin, a pahnihaah chuan hei kan budget buah hian District Education Officer Chhintuipui District hi

Chhintuipuiin a dan avangin kalkawng kan nei tha lova. Helam atanga enkawl hi a har em em mai a. Chuvangin khitha khian District Education Officer kan neih ngei ngei a thain ka hria a. Tunah kan Sub-Divisional Educational Officer khi a power a tlem si a, a tih theih chin tawh bakah hian Lunglei atanga direction engemaw lak a ngai thin a. Chuvangin District Education Officer hi Chhintuipui tan kan manawh a ni.

Tin, a pathumnaah eng instruction pawh trainingna hmun pawh zirna hmun pawh ni sela, Aizawl District chhunga concentrate mai lo hian thingtlang lamah te theh darh ni sela. Chu chu Mizoram integration atan thil tangkai tak a nih bakah inkawm ngeihna te, in hriathiamna te a thlen theih ka ring a. Chuvangin, nichina member zahawm tak ka hmaa sawituin a sawi ang khan helai Aizawl District chhunga Mizoram thil kan neih tur te dahkhawm mai ai chuan Chhintuipui kilah te, hmar lamah te, khawthlang lamah te pawh trainingna hmun hnan hnan kan neihte hi theh darh ni sela tih hi ka duh bawh a ni.

Ka lawm e.

PU K.SANGCHHUM : Pu Speaker, Hun i tiam tawh hnuah hei a tul avangin hun i hawng a, min hriatthiam pui avangin ka lawm e.

A hmasa berin kan budget-a lang Education Department-a hna lak tur chi zawng zawng kha a rang thei ang bera lak a tul a. Chu chu min tihsak ka duh a.

Tin, pahnihaah chuan Mizoram literacy hi a sang hle na chungin a hniamna chu Chhintuipui vang a ni a. Chuvangin Chhintuipui hian Adult Education hi min ngaihpawimawh sak sela, chuta tanga intanin, Primary ah leh Middle Schoolah leh High School ah a lo fel theihna tur leh chuta tanga a inbah chhoh theihnaturin Chhintuipui ah hian College pakhat min din sak kan duh a ni. Chumi tello chuan kan puitling thei tak tak dawn lova. Nichina member zahawm tak takten helai vel an han sawi khan an sawilang mai dawn emaw ka ti a, mahse sawilan a lo nih tak lohah leh a tuartute tan chuan garsa tak a lo nih avangin Mizoram sawrkar hianin College pakhat tal din dan min dap sak sela. Tin, phalna te pawh min pein remchang min ruat sak sela, min en pui sela tih rawtna, sawrkarin min tihsak atan kahan siam a ni; Hun a tlem avangin

Ka lawm e.

SPEAKER : A lawmawm ngawt mai, comment pek ka duh a.
 Wawin ni hian nichina ka sawi tak ang khan m
 member zawng zawngin he budget thua hian duh
 taw lohna a awm a, a chhan chu chiang takin a
 lang vek tih kan hriat a ngai a, helai chair atanga sawi
 a ngai lova. Chuvang chuan thil lawmawm tak a ni.
 Tunah Pu Sainghaka kan ko ang.

PU SAINGHAKA : Pu Speaker, kan demand ngaihtuahah hian,
 Demand No. 37-naah hian sawi tur tlem ka nei ve
 a. Kan budget siam hi a chiang taw lo emaw chu
 ni aw ka ti a. Mini- Industrial State plan page
 154 column 3-naah khanin major workah nuai 4 leh sing 7
 vel dah a ni a. Hei hi enga tana hman tur nge ni aw !
 tih a lang lova, hmun dangah major work atan hian building
 a ni duh viau a. Chulaiah chuan Department hian Junior
 Engineer pakhat chauh a nei a. Engtinge helai hi a hman
 pawh theih ang tih hi ngaihtuah than a niin ka hria a.
 Tin, page 164 naah khanin Handloom, cane, bamboo tih
 Industries lampang buatsaih a ni a. Nichina member pakhatin
 a sawi ang khan Champhai, Aizawl, Hnahthial ah te, tin,
 Saiha lampangah pawh hian a awm niin a lang a. Hemi atan
 hianin thil pakhat rawt ka duh a. Kan rama thil kan siam
 chhuah ang chi hi khung Air Port New Delhi ah te emaw,
 Calcutta ah emaw, tin, hmun ualau deuhah khuan Emporium
 ang chi hi hawn vat nise a thain ka ring a. Chumi atan
 chuanin budget kan nei mai lo a nih pawhin tun atanga kan
 Minister concerned in a revise budget lo buatsaih turin
 rilru lo nei turin ka ngen nghal duh bawk a.

Tin, paper bulb project chungchang thua hianin
 nikun lamah khanin revise budgetah nuai khat leh sing nga
 a awm a. Kumin hian budget-ah a lang miah lo niin a lang
 a. Hei hi hnuchhawn mai tur tihna em ni tih hi ka hre
 chak deuh bawk a.

Tin, Education chungchang thua tlem han sawi
 ka duh a. Hei NEHU University hnuaia awm kan ni a. Thu
 thang rinawm tak atanga hriat danin khu University khu
 kan tlang ni pui Khasi ho khuan an inti neitu hlein an
 chuh tan niin a lang a, Vice Chancellor te pawh hi Khasi
 ngei dah tumna tun/^{ah}khuan an bei a. Tin, Mizo in kan
 neih chhun Special Officer, Administration-a kan neih
 Pu Tochhawnga pawh khu thlak an tumin hna nasa takin
 an thawk tih hriat a ni a. Helai hi intawm kan nih avangin
 kan sawrkar lamin an lo en ngun ve deuh a, keimahni
 chanpual awma chu an lo chuh thiam a marawh viauin ka ring.

Tin, Aizawl College saw nikun lamah te eng angin
 nge an lo ngaihtuah chiah chu ka hre lo na a, sawlai

school puiah sawnin double floorin sak tumna engemaw thu chu a awm deuh tawh niawmin a lang a. Chu chu tih thuai ni sela. Tunah hian budget chu a awm lem lo niin a lang a. Hei pawh hi revise budget-a thun tura rilru min lo neihsak ka duh a.

Tin, ninin khan sawi a ni tawh a, Indoor Stadium Saron veng a mi thu kha, saw saw nuai 3 lai senga sak a ni tawh a, hnan tlak dawn loa a nih pheii chuan sawni schoolpui bulah bawh sawnin tuna Primary School saw sawi danglama saw tah sawn Indoor Stadium sak theihna tur pawha thil min lo ruahmanpui ka duh a ni.

Ka lawm e.

SPEAKER : Tunah Chief Whip Pu J.Kapthianga

PU J.KAPTHIANGA : Pu Speaker, hnanni General Discussion-ah ka zin bo avangin ka awm lova. Engpawhnise, member zahawm tak tak te thusawi atanga ka'n hriatin zirna lama kan hmasawn a pawimawhzia leh kan tuihalzia a tilang a. Chuvang chuanin he kan sawrkarin a thil tum danah a lungawithlak hlein leh an budgetah pawh a langin ka hria a. Amaherawhchu, Education a pawimawh a, a te ber atanga a lian ber nu leh pa kan involve na vek a nih avang hian mi zawng zawngin kan ngaihtuah lo theilo bawh a. Education chi hrang hrang atangin ram leh hnan a innghat bawh a. Tin, mihring nunphung a innghat bawh a ni.

Chuvang chuan member zahawm tak takte pawhina kan Minister te hnen atanga chhanna an lungawi loh pawh an thianawm ka ti a. A vang chu kan thahnemngaihna a ni. Chuvang chuan kan member zahawm tak takte sawi leh an rilru atanga hmasawn an duh dan leh an thahnemngaih zia te ka zuk en hian leh tun hma kan sawrkar lo kal tawhah leh an thil lo tihah kan zuk lungawi tawh lohna ti mai ila, kan zuk duh tawh lohna enin he kan Assembly hianin Parliamentary Committee member pathum aia tlem lo emaw siamin khatiang thil zawng zawngte kha zuk chhuiin leh sawrkar hnenah pawh enge ni thil tha zawk tia a hranpaa inpe bik tur siam hi ka han rawt ve a. Chu chu kan sawrkar lante pawhin min ngaihtuahpui ka duh bawh a. Amaherawhchu Parliamentary Consultative Committee nai ni lovin hemi bika Education chi hrang hrang training te, Industries te leh General Education hrang hrang, L.P. atanga College thlengin chutiang pawh chu chhui tur siam nghal a dikin ka ring a, chu chu ka'n suggest

Tin, heri piah lamah enge ni hei tunah NEHU Act te kan han enin leh thil tun tum khumi NEHU University-a kan zu kal a NEHU University Professor Head of Department hrang hrang te nena kan inkawma thu kan han sawi atangin NEHU Act te pawh Amendment loh theih loh a ni a, Mizoram tan chutiang ang atan te pawh nhuan nichina ka rawn rawt, ka rawn demand ve ti mai ila, khami Committee piah lamah state level Committee on Education emaw pawh hi din ta ila chung chuan he kan education lianpui mi zawng zawng kan zuk telna ni siah hian kan sawrkar te leh kan officer te, Department te pawh eng engenaw, advice zuk pe tur leh anmahni thil an zuk rawtpui emaw an zuk hriatpui, mipui laka tan an lo kalpui na tura din hial kha kei rawt ka duh a. Chuvang chuan he kan education department-in a Zoram hmasawna chi hrang hrang budget-a a rawn lang kha lawmawm ka ti a. Chuvang chuan khamia kan lung sik lohng ti mai ila, kan duh khawp lohna chung chang thua zuk thlir tur erawh chu parliamentary Committee neih erawh chu ka duh a ni. Chu chu ka han rawt a ni.

Ka lawm e.

SPEAKER : Tunah chuan kan duhtawkin zing chhung zawng khan kan sawi tawhin ka hria a, member zawngte pawh satisfy tawhin ka ring a. Tunah hian Minister i/c khan a theih ang angin rawn chhang ve se, mahse limitation a awm lo theilo a ni tih hi chu hriat a ni a. Thil kal tawh daih /ti kha thil/thartir te in a rawn chhang tur a nih avangin House pawhin hriatthiam tlan a tha ang a. House hi buai lo taka a kal theih dan hi kan House a hmingthang tawh ang bawh hian hmingthang zel turin ka duh a ni. Tunah kan Education Minister Pu F.Malsawma, khang zawhna zawng zawngte a theih ang tawka chhang turin hun i lo pe ang u.

PU F.MALSAWMA : Pu Speaker, Member zahawm tak takten
MINISTER bengvarthlak tak takin thu an rawn sawi a. A hmaa nite rawn sawi tawh ang bawh khan Educationah thahnem kan ngai hle tih a hriat a. A lawmawm hle a.

Hmannia ka sawi ang deuh khan Education hi Mizoramah chuan Industry lian ber hi ni main ka hria a. Chuvangin fund tam zawk hi kan mamawh hle tih hi a chiang hle mai a. An sawi tlangpui kha chu fund awm loh vanga tih theih loh a ni ber a. A tlangpui thuin heng hi ram thanglai bul tantir kan nih avangin tunah ala tih theih lohva. Tih chhoh mekte ala awm bawh a. Tin, thenkhat chu thil kal dan a awmdante pawh hriat chian tawh loh a ni nual a. Engpawhnise, thahnemngai saka heri lama

ngaihtuahna member ten kan seng hi a lawmawm em emin ka hria a. Chu chu ka han sawi hmasa duh a ni.

A hmasa berin, Saiha bial aiawhin a rawn lailan kum upa te, piansualna leh vanduaina chungchanga tanpuina kha, tunhma chuan thlatin Rs 30 a ni thin a, kum khatah Rs 360 an hmu thin a. Kha kha tun budget tharah hi chuan Rs 50 a ni tawh a. Chu chu tunhma ami 180 hnenah pek thin kha ni 250 a kai tawh a. Kuminah pawh hian ka hriat soal loh chuan cheng nuai khat leh sing nga (Rs 15000/-) zet hemi atan hian dah a ni a. Tin, Rs 2000/- chauh danchhung atana tih niawma lo hriat kha a hresual deuh hlek a. Kha kha engemaw vanduaina te han tawh a, entirnan khawilam dandawiinte emaw kha pan a han ngai ta a ni. Harsatna deuh bik engemaw danglam thil thleng danglam bika inpuihna chauh a ni, accidental chi, chu chu Prosthetic an ti a. Khani atana ruahman chauh kha a ni a. Rs 2000/- hi an hman tawh chuan an tar hnuah an la dam zelin enkawl an ni lovang tih lam a ni lova, Hemi old age nen hian inzawma a nei lo tih ka han sawilang nghal bawk a.

Tin, Merrit Scholarship chungchanga rawn sawi bawk a. Kha kha quota engzatnge awm tih vel kha nimina House-a rule kan dah tawh sub-rule No.3 of rule 6 ah khan a chuang a. Chu chu lo en mai si sela a thain ka ring a.

Tin, Rashtriya Indian Military College-a cadet te tana seat hnih awm kha khu lam pang nena indawra dan siam- a ruahman a ni a, Mi pakhat tan kum khatah Rs 2000/+ ruahman a ni.

Tin, Chhimituipui District-a Industry Officer dinhmun hniam deuh bika district dangte nena inthlah deuhna awm ni awma lang kha a hming vuah chungchangah khan tun hmian a danglam a ni mai thei a. An rank leh an status chu a in ang vek a. Tunah phei chuan 1977-78 chhung khan a hming thlak vek tawh a ni a. District Industry Officer tih vek an ni sawh a. Mi in ang tlang vek an ni hei hi hriat soal deuh hlek a ni mai thei.

Tin, Lump grant tih chungchangah khanin A leh B ten engatinge hemi hi an hmuh ve loh tih a ni a. Kha kha Text Book atan te, Book Grant atan te a ni a, lump grant tih hi. Anni ho nursery kan han tih ang ho hi chuan a tlangpuiin book grant kan tih ang hi chu an mamawh lem lova. Chuvangin anni ho tan hian siam lan a ni lem lo a ni.

Tin, Ratu bial aiawh khan Assistant Headmaster Deficit High School ah te an awm ve loh thu, hmun thumah chauh an awm thu kha a rawn sawi lang a. He thil hi a tlangpuiin lo practice dan deuh hlek chu section 8 neih chinah a tlangpuiin Asst.Headmaster hi pek an ni deuh hlek a. Tin, section khatah hian a tlem berah 25 aia tlem lo an nih a ngai a. A maximum ah chuan 45 a ni a. Chumi awmia chu mi 50 zel an awm loh chuan section ah a inthen

theih lova. Chumi chu a tlangpuiin zui a ni a. Amaherawhchu heng Asst. Headmaster te ang hi pek tam zel duh mah ila, fund lampang harsatna a ni ber a. Fund tam pang a awn phawt chuan hei hi tih tam a harsatna a awn lenin kan hre love. Hei hi pawisa lam a awn theih chuan kan lo thlir zui zel ang.

Tin, Chowkidar leh Peon te Deficit High School a an tana grant awn mumal meuh loh chungchang rawn sawilan a ni baw a. Hei hi fee income an dawn thin 40% ang hi chumi an lo enkawlna atana sawrkarin a ruahman nek chu a ni a. Hemi chungchangah hian High School teacher Association te non kan inkawmnaah pawh kan sawi nual tawh a. Enge tha ber tur ni ang tih hi sawrkarin a ngaihtuah chhoh nek lai baw a ni.

Tin, Financial year tawp dawna thla 2/3 chung hlawh lak theih loh ziah mai rei deuh deuh nghah ngai thina hi a fel lova. Hei hi buaipuia uluk zawka en fel a tha ngawt mai tih an rawn sawilang a. A ni reng a, harsatna eng engemaw a awn thin a. Sawrkar dan kha zawn a lo ngai thin a. Tah chuan a tlangpuiin tangka kum thar a lo awn hianin a hman theih meuh hi chu thla tawp lamah emaw, a thla leh thar lamah emaw tihtan a lo ni a. Khata tang khan thil eng engemaw school atanga mamawh khawm khawm tur ngai te a lo awn thin a. Chung han indawr vel chung chu thla 2/1 a lo lian ve leh thin a. Amaherawhchu hengte pawh hi tun hmate ngaihtuah chuan tunah nasa takin a ziaawn tawh hle a. Tihthat deuh deuh kan tum chho zel dawn a ni.

Tin, Head Teacher tih hi Primary School-ah hian Headmaster tih a ren ve lawn ni tih kha - a ni viau a, amaherawhchu tloin Primary School ah hian Head Teacher dinhrun hi a dang deuhva. M.E. School te, High School te anga zitirtu pangngai nena danglanna tak kha an nei vak lova. Pay Scale hran pawh an nei chuang lova. Special pay Rs 40/- an hlawh belh chauh a ni. Chuvangin teacher an ni a, a intluk ho zinga pakhat an ni ve ringawt a. Chuvang chuanin Headmaster han tih kha a tlangpuii thuin lo hman loh thin a ni a. Han thlak hian a tha zawk tehreng angemaw ! Engpawh niselangin, teacher dinhruna an din deuh vanga Head Teacher tih an lo/deuh thin a ni. /ni

Library chungchang kha hong laia lehkhabute pawh Library atan hian lei ve thin nisela tih hi a vaia lei vek tur a ni tih an rawn rawtna chu ni bikin ka ring lova. Khangte kha chu a awn vek lova heng laiah. Engemaw tih theih chu a awn mai thei a. Hei hi thil bengvarthlak tak a ni a, kan lo thlir zui baw ang a.

Tin, Text Book la awn loh chungchang kha member thenkhat te pawhin sawitel a ni a. Hei hi a tlangpuii thuin a harsatna chu Assam Board hnuatia Text Book chungchang, Text Book an ruahman thila kha kan la zui vang a ni a. Chu chu keinin a Board kan han neih hran

tak hian Text Book kha tunah hian revise ve mek a ni a. Keimahni tana tha turte pawh uluk taka ngaihtuah a ni a. Chuvangin he thilah hi chuan Assam Board mawhpurh liau liau kha a ni tih a. Kum khat hei Board a kal chho a, a'n ti tan ve dek dek a, keimahni Text Book neih hran pawh kan nghakhlel hle a. Neih hran thuai pawh kan tum bawk a. Tunah rih crawh chuan hemi transitional period harsatna khan kan ram a nang ve a ni ber e.

Tin, Darlawn tlangdung lamah Government High School awm loh thu leh Tuisualralah Deficit High School awm loh thu te kha, Fund harsatna chungchang hi a ni ber thin a. Eng anginngeng heng hi thil a tih chhoh zel theih dan a awm ang tih hi kan la thlir chho zel dawn a. Heng Tuisualralah Deficit High School a awm lo tihte pawh an sual bik vanga pek loh lam reng reng a ni lova. Chuvangin hengte pawh hi eng anginngeng kum lokal leh turah tih theih ni ang tih kawng dap chhoh zel chu a ni vek ang a. Amaherawhchu kan sawi ang khan Fund lampang hi a buaithlak ber a ni reng thin a ni.

Tin, Cooperative lamah khan eirukna thingtlang lamah a nasa em em mai tih sawi a ni a. Hengte hi kan sawi tawh ang khan kan hma thil bawk a ni a. Tunah hian Inspector te chu uluk taka tifel turin hriattir an ni tawh a. Hemi thil kal dante pawh hi chhui chhoh tur a awm viau zel dawn niin a lang a.

Tin, Industry hnuaiia loan sem chungchangah khan sem sem dan dan tih kha, harsatna eng engemaw a awm a. Pawisa lam thil bawk kha a ni leh a, a rawn diltu te pek san theih tawh kha chu Rs 20,000 emaw a ni mai rih a. Amaherawhchu small Industry development cooperation, hei hi tunah budget ah te pawh a awm vek tawh a. Hemi a function hunah chuan a sang deuh zawk pawh kha kan pek theih kan ring tawh a. Chumi atan chuan tuna kan budgetah 500,000 a awm a. Central-in 800,000 min pe bawk a. Hei hi chu tihpuitlin thuai kan beisei a ni.

Tin, Tawipui Constituency aiawh khan hmanna a thil sawi chungchang rawn sawi loh, hmanna kan sawi chhuah tel loh chungchang a rawn vui kha kan thiam lo deuh pawh a ni ang a. Amaherawhchu ngaihtuahna deuh hlek ka ngi a. A bikin Lunglei College chungchang te, sport chungchangte kha zawhna ang chiah khan a kal lem lova. A pawimawh thu an han sawi a, kha kha ka lo note mai a. Tin, sawrkar lamah pawh chhuizui a ni nual a. Min lo hrethiam hram turin ka ngen bawk a. A vain tha kan tih ang leh kan lo en zui tura kan tih thenkhat te kha tarlan vek loh a ni nual a. Hei Sport lampangte phei chu kuminte phei chuan circular te siamin tihtlem tawh tura ruahman vek tawh a ni a.

Tin, Lunglei College chungchang bikah khan thil pakhat a tuate pawh han ngen duh ka neih pakhat chu a management fello deuh a awm a. nih pawhin fact and figure an khawn khawn theih ang ang khawn khawma

min rawn pe turin ka ngen duh baw a. Thil fello a awn phawt chuan englai pawhin min rawn hriattir theih reng kan ni tih ka sawi duh a.

Tin, Tawipui M.E.School chungchang hi, story sei tak a nei a. Hemi chungchang hi a story zawng zawng ka sawi chhuak lovang a. Sawrkarin kan chhui nek lai, thuneitu liante indawr kual lai a ni a. He thil hi chu sawrkar pawhin a hre khawp mai a, uluk takin a chhui mek a ni.

Tin, Thingfal High School chungchang kha hemi hi thil fel taw lo a awn reng a. Chuvangin kan dan dinglai angin Managing Board pawh dissolve an ni tawh a. Tunah District Education Officer in an charge a la rih a. Amah-erawhchu hei hi thla 3 aia rei lo tur a ni a. Hemi chungchang pawh hi hotute beng a thleng a ni tih lo hriat atan a tha bawkin ka hria a.

Tin, Primary School hi thlawhbawkah dah ve a tul thute an rawn sawi a. Hei pawh hi tul kan ti a. Sorkar nena indawr chhoh zel a ni a. Kumin budget buatsaih chhoh lai khan an vaia pek tura ruahman titih a ni a. 300 aia tlem lo ruahman a ni a. Kha kha Central lamh a tlang thei lova. 100 emaw chauh min phalsak a. Hei hi uluk taka a hmun tur (dahna hmun tur) ruahman a, pek tur niin an lang a. A harsatna ber chu central sawrkar lamah a ni.

Tin, tuna Central Sawrkar thar khuan pakhat ruahman an nei a. Chumia an thil uar tak chu Universalisation of Elementary Education tih a ni a. Chu chu hemi naupang ho reng renga hi lehkha thiamtir vek an tum a. Chumi atan chuan masterplan siam a ngai a. Keini pawhin kan zo ve tawh a. Kar leh lawkah chung thil pawh chu Delhiah kan ngaihtuah hovin kan sawi dawn a. Hemi ang hi kan ruahman theih phei chuan school hi tam fe chu a thar dang plan dang hnuaiah a ding chho theiin ka ring a. Chu chu tunah hian kan ranin zirna lama kan hmabak tha lam zawnga kan neih ropui tak niin ka hre baw a. Chumi plan pawh chu kan peih vek tawh baw a ni.

Tin, High School provincialization chungchang pawh rawn sawi a ni a. Khang kha tuna budgeta rawn khung theih chin chu High School pathum District tinah pakhat theuh kumina lak thar tura tih a ni a. Hei hi engmah thlan felna a la awn len lo.

Tin, Special Scout and Wards tih leh Sport playground tih chungchang velah chhim lamah engmah a lang vel lova tih kha, hetah Aizawl tih khan Aizawl men for the whole Mizoram tih a ni tih hre baw turin ka han ngen duh baw a ni.

Tin, Science leh Mathematics zirna uar tur tih a ni baw a. Kha kha Mathematics a lang love tih a ni a. Helaiiah hian hman dan deuh hlek education ah

hianin Science han tiha Mathematics University dangte pawhin a huap tel anga han hian mai changte a awm a. Science & Mathematics tih khera dah changte a awm a. Helaiia budget ah hi chuan Science and Mathematics tih anga ngaih tur niin kan hre bawk a. Mathematics hi hemi science chhungah hian a tel bawk a ni.

Tin, Cultural grant pek dan chungchangah kha chuan tribal research lam ni a ni a. Advisory Committee for tribal art cultural languages tih a awm a. Chumi te chuan an ngaihtuah thin dawn a ni. Khami Advisory Committee khan an ngaihtuah atangin grant chu pek tur a ni.

Tin, Weaving Loom phai lamah tlawn zawka loia helaiia to lutuka hralh tih vel kha, a tlangpuiin tih danah chuan tender koh a ni a. A supply theitu tura rinina thlan dan ang thlapa, thlan chhuah a an rawnpek thin a ni a. Chu baka han tih that vak ngaihna chu tunah chuan kan la hre rih lova. Engpawhnise, tha zawk hriat a nih chuan in rawn zel ni sela.

Tin, mimal hnenah pawh pek nise tih kha chu grant-in-aid anga pek an awm nual reng a ni.

Tin, Lungleia Industry officer te, officer drawing & disbursing authority nei lo, nia sawi kha, hemi chungchang hi kan lo onfel vat ang a. Hemi tangka lam thilah chuan hei hi a pawinawh em em a. Hei hi a lo ni a nih pawhin tihthat thuai kan tum tur niin ka hria a.

Tin, Industry hnuaiia registration neih hi onge ni a hlawkna tih kha a tlangpui thuin Control materials ho reng renga hi hong register ho chauh hnenah hian supply an ni deuh vek a ni. Tin, Central subsidy reng reng hi registered loh chuan pek an ni lo bawk a; Hemi entrepreneurs ho kha. Amaherawhchu in ang khata eng engemaw enkawl leh tho a ni tih chungchangah kha chuan loan pangngaiia hi chuan a thuhun vek a. In register leh inregister lo te pawh ngaihtuah sak ve leh tho a ni.

Tin, Industry association hi sawrkar nena inlaichinna tihah kha chuan officials inlaichinna engmah a nei lova. Amaherawhchu amahnia a tak taka thawktu te khan eng engah emaw ni kheuh bengvarna tur an nei fova. Chuvangin anni nen chuan kan indawr tawn fova. An ngaihdan te, thil tha thurawnte mi an rawn pe thin a. Chung chu kan tan tangkaina tha tak tak a awm a. Tin, Committee eng engah emaw kan telh ve reng a, association nite hi. Amaherawhchu association member nih loh vanga thliarna lan zawng erawh chu engah a awm lo tih erawh hi chu tunah, house pawh hi ka hrih thei a ni.

Tin, Loan rulh chungchanga grace period an rawn tarlan kha, hmanni lawk khan kan tifel a. Engemaw selected cases an ti a. A bikah chuanin kum 3, a kum thumna atanga a principal kha rulh tan kan phalsak a.

Chumi awmia chu a kum leh pawh ni lo, a lehpek atanga ruh tan a ni. Amaherawhchu hei hian a interest a huan lova. Ordinary, thil te nauah erawh hi chuan a kum leh atanga tih tan a ni deuh ber a ni.

Tin, Serchhip Constituency aiawh khan building chungchang hmanna an sawi kha a man fuh chiang lo nge, kei-man ka rawn sawi chiang lo ka hre lo va. Khari chungchangah khan building te hi kan duhthawh em em a. Amaherawhchu kan fund ten a daih tawk loh avanga duh ang tawka la tha lo a nih thu an sawi a. Amaherawhchu kan building te hi sitawm hle la nih lain a aia chhia te pawh hmun dangah a awi ve nual tih thu kan sawi ve ringawt a. Kan duhthawh a, tha zawk lan kan duhnaah khan kan duhthawh zel chu a dik khawp mai a. Amaherawhchu kan hma lak chhohna zelah hian fund in a lo daih loh thin avang a ni tih kan hriat a tha hlein ka hria a.

Tin, Grant chungchangah khan Aizawl lam leh Lunglei lan inthlau lutuk tih kha School number zat vang a ni a. Mihring chengte pawh a inzat lova. School te pawh a inzat lova. Chu chu a in ang pata kan tih nai dawn kha chuan helaiah Aizawl District ah khan mihring tam zawk tak a lo awm a. School tam zawk tak an lo awm a. Khang khan an tuar lutuk dawn a. Chuvang chuan khani number zat, a thawh tur azir khan a in tam hleih lo thei lo a ni.

Tin, Natural Calamity chungchangah School te pawh a tichhe ve thei a. Heng hi school atan a hman ve theih lawm ni tih kha chu G.A.D. lam thu thu a ni a. School lam thuneihna phak a ni lova. School chuan theih nise a lawm-awm khawpin a rinawm baw a ni.

Tin, Train leh untrain chungchangah kha chuanin a tlangpui thuin NEFA ami, Arunachal Pradesh amite an trained loh vanga trained lohte leh trained te hlawh in anga pek kan zuk entawn kher tur a ni lem love, chu chu kan thu ding a la ni reng a. A vang chu hmun changkang zawk apiangah hian uluk takin training hi an ti thin a. Hemi trained hi chu kan uar telh telh dawn a. Amaherawhchu training-na tha zawk engtinge kan tih theih ang a, ni tam zawk engtinge kan train theih ang tih erawh kha chu ngaihtuah a ngai a. An hlawh inthlau lutuk chungchang erawh kha chu tunah hian enge tih theih mai ka hre lova. Hemi hi a tlangpui thu chuanin, zirtirtu hlawh chungchangah pawh hian Central Sawrkarin a thil ruahmanna a san thei ang ber a zawng a nih avangin hemi training lam thil hi uar a ni a. Train ho hi duhsak bik an ni a ni. Government of India policy zai zuia thil tih, a tlangpui thuin a ni.

Tin, Adhoc ho hi Deficit ah dah vek nise tih hi hei hi chu fund-in a daih loh vang a ni a. Daih se chuan kan dukhawp a. Kan nawr hlawhtlin hleih theih loh a ni zawk mah mah a ni.

Tin, mineral exploration fund a tlem e tih pawh kha tuna nuai khat vel lek hi a tlem reng a. Amaherawhchu tun hnate ngaihtuah chuan a lo tam ta zawk a. PWD atangin hmanni lawkah Industry Department hnuaiah dah thar a ni a. Chuvang chuan tunah hian thil tam tak lian taka ruahmanna neih ngaihna ala awm lova. Tun March thla vel chauh khan sawn a ni nghe nghe a ni.

Tin, Sateek bial aiawh khan School building chungchang te a rawn sawi a, a dik reng a. Tih that zel a ngai a ni a. M.E.School zirtirtu tena an hlawh chungchang kha an rawn sawi lang a. Hei pawh hi ennawn ve tawh an ni a. Trained Graduate Headmaster an nih chuan Rs 550-900 hlawh tura tih an ni a. Tun, untrained Graduate an nih chuan Rs 440-750, craft teach with diploma Rs 330-560 a ni. Hemi ah pawh hian thil rawn nghawng a nei nghal a. M.E.School Headmaster 550/- a nih lai hian High School Asst.Headmaster 500 chauh a lo ni leh si a. Hengah pawh hian thil buaipui lai mek a awm leh zel a. Zirtirtu hi an hlawh chungchang hian thil tih fel a har hle a ni ang, duh ang tawkin thil a fel mawh hle mai a. Engpawhnisela, eng angin nge thil a kal zel dawn tih hi chu hma lan thil a ni a. Sawi mai ngaihna ka hre lova.

Tin, I.T.I. training centre-a training bhuak te, heng hna hmu lote chungchang ngaihven that tih pawh kha theih ang tawka sawrkarin tan a lak zela, a theih ang tawka tawka ngaihven that zel tur niin ka hre bawka a.

Tin, mi thenkhat Wire-man tena an hlawh chungchang leh hemi matric pass thenkhat tena hemi I.T.I. tranin tena an pass zawha an hlawh in ang tho mai chungchangte kha - heng hi chu Government of India in a rules an neih sa hemi dana thil ruahman a ni a. Central sawrkarin thil a lo tih thin dan a nih vang a ni.

Tin, Supervising Staff tena vehicle an neih loh thu te, S.D.E.O. tena an namawh thute pawh rawn tarlan a ni a. Hemi pawh hi budgetah chuan ruahman vek a ni a. Nimahsela a tlang zo lo atin a ni. Central sawrkar in nin dan thlak vang a ni a.

Tin, sawhthing tih rona kha, kha thil bawka kha hmannah helai House-ah bawka kan sawi tawh a. N.E.C. in a tirah chuan a bul rawn tum a ni a. Mahse tunah chuan Mizoram Small Industry cooperation in a buaipui ang a. Hei hi Mizoramah pawh tih tan chhoh zel tur a ni.

Tin, Lungpho bial aiawh khan thil reng reng hi a tlem zawnga, a fir zawnga thil kal laklawh hi a awm thei a. Pawisa te pawh hi tih kha a rawn sawi a. A dik khawp mai a. A tam zawnga a kal theih hi a tha khawp mai a. Kan lo hrereng a. Amaherawhchu heti chung pawh hian a zatve aia tam nah hi Central lamah khuan a tlang thei lo titih hi a awm thin a. Chu chu a harsatna eng engemaw rawn thlentua ni ve a.

Tin, Adhoc leh Deficit te leh Government institution te heng inthlau lutuk chungchang rawn sawi pawh hi sawrkarin enge thil tih theih dan a thlir chhoh zel tur niin ka hria a. Tun maiah chutiang khatiing a ni ang tih mai theih a niin ka hre lova. Hmannia ka sawi tawh ang khan tun kan system pangngai 3 tyre system anga kal reng hi nge tha ang a, two tyre systema kal hi tihte pawh sawrkar chuan a ngaihtuah chhoh mek zel a ni a. Eng angin nge thu a tihtluk ang a, eng angin nge thu a tihtlang ang tih chu a la sawi theih chiah lova.

Tin, College Education lanah a bik takin kunina matric pass hote tana seat a harsat a hlauhawn thu rawn sawi lan kha, a tihzia khawp mai a, hei hi kar kal ta lam khan kan lo buaipui viau tawh reng a. Hetah College Principal te non pawh thlir ho tawh a ni a. Admission tih theihna tura thil tul awm awma kan hriatte chu tanin thil ruahman mek a ni a. A tul ang zelin hei hi chu ngaihtuah turin sawrkar pawh a inring reng a nih hi ka sawi duh baw a.

Tin, Aizawl College-a lecturer zat leh zirlai awm zat inphu lo lutuk kha a dik khawp mai a. Department tinah pahnih pek an ni a. Hei hi University Rule a ni a. Tunah hian a tihdan lam theih angen? tihte chu hmalam thil baw a ni. Tunah rih chuan University-in a rawn tih ang china kalpui a ni ve a ni.

Tin, Pachhunga College NEHU ina a lak tur chungchanghian sawi tur tam tak a awm a. Hei hi kan buaipui mek a. Anaherawhchy University College-a hemi constituent College-a lak chungchanghian Pachhunga College a mal ni bik lo hian Constituent College neih chungchang hi ministry hmasa in a lo pass tawh a ni a. Chumi indawr chhoh zelnaah chuan Pachhunga College hi nise tih a lo ni ta a. Hei a kal thui tawh khawp mai a. Tun October thla hma ngei hian tih fel tura ruahman a ni nghe nghe tawh a. Tunah hian chu chu lo la dawn ta sela, zirtirtute eng angin nge a nghawng theih ang? kan mite hian heta thawk mekte hi engtinge tih tur ni ang tih te kha kha 3/4 thil ruahman mek a ni a. Tunah hian kar leh lawkah hianin Shillong lamah chhuk thlaka NEHU Vice Chancellor te nena indawr kan tum a. Chumi bakah chuan Delhi lamah kalpui zel kan tum a. Hei hi sawrkarin a kalpui chhoh lai mek a ni baw a ni.

Tin, Aizawl College Board din dan chungchang vel kha sawi tur a tam viau mai thei a. Khami chungchang ah kha chuan tunah hian kan dan thar ber angin Board inthlang tha turin tunah hian hriattir tura thupek a awm tawh a. Tin, chu mai chu ni lovin audit te pawh ti turin sawrkar thupek a awm tawh a. Tin, an Principal turin Pachhunga College atanga Principal pakhat ruahman mek a ni baw a. Aizawl College hi a pawinawh khawp mai a.

Hei hi siamthat tum a ni a. A hmun chungchang te pawh sawrkarin khawi lai nge remchang ang a tih kha tupawhin khawi lai hi nge remchang ang tihte, thaa in hriatte sawrkarin a. zawn meknaah hian min pui turin ka sawm duh che u a. A hmun hi a har khawp mai a. Han ti leh thin ila, a tawp khawk ah chuan Assam Rifles hmun hi a rem ang tih kha a ni leh thin ringawt a. Thil tih harsa tak a ni a. Chuvang chuan eng angin nge thil kan tih theih ang aw ! NEHU in Pachhunga Coblege hi la ta se tihte thleng khan vawi duai lo kan ngaihtuah a. Sawrkarin he thil hi chu theihtawp chhuahin a ngaihven a. Attention a pe a ni tih hi kan member zahawm tak tak ten in lo hriat atan a tha hle bawk a.

Tin, Tlungvel Constituency aiawh khanin hemi cane and bamboo training cum production chungchangah khan a hmun chungchang te rawn sawi a. Hei hi a tlangpui thuin a tum bera chu training a ni ber a. A production motives hi a lian ber a ni lem lova. Amaherawhchu khawi lai hmun nge remchang zawk ang tih thlir nawn leh hi chu a har em em lo mai thei a. Amaherawhchu Mizoramah hian thil han ruahman reng rengin a khua te, a hmun te, thil dang atana mamawh neuh neuha kha, a hmanrua a awm ringawt bakah khan thlir a lo ngai ve thin a. Engpawhnise, henghi chu thil remchang leh leh tha zawk tur a nih chuan a thlir chhoh theih zelin ka ring a.

Tin, Mini-Cement plan tihte, Plywood thu te kha rawn sawilan a ni a. Hei hi a hmun tur lam engmah sawi lan ala awm lova. Tunah hian investigation tih lai mek a ni a. Chumi chungchang thil kal zela chu a ni zawk a ni. Hei laiah hian kan din ang, chumi atang chuan a ni ang tih lampang kha a ni lo deuh zawk a ni, tuna a dinhmun chu.

Tin, Mineral chungchang hemi gas thil velte pawh kha Government of India ina a survey hna hi a tih a nih avangin Government of India hna a ni a. Chu pawh chu rawn ti rang turin hranni hawh pawh khan nawr thar leh bawk a ni.

Tin, Hostel hi khawiah nge a awm tih hi kan hre lar lo viau a ni mai thei a. Saw lai High School tlang Macdonald Hill, sawlaih sawn pakhat a awm a, pakhat chu Lungleiah a ni a. Hei hi CRP ten an luah reng a, Macdonald Hill, sawlai tlanga mi chu. Amaherawhchu kar kal ta lawk khan chhuahsan hram teh u kan ti a, kan indawr a. Tichuan an chhuahsan tawh a, tunah hian repair ngai te, choka sak te a ngai a. Chu chu tunah hian buaipui tura ruahman mek chhoh a ni.

Tin, Swimming Pool tihchhoh vel ang reng kha chu khawiah, hetah kan dah ang tih bik kha chu engmah ala awm chung lo.

Tin, politechnic Lunglei ami tur kha kuminah tan theih a ni ang em tih kha, khutah hemi atana mawhphurtu kan dawr ber Assam sawrkar nena indawrna atangin kuminah chuan tan ngah theih a remchan loh thu min rawn hrilh

tawh a. Chuvangin kuminah chuan kan tan thei dawn lo a ni.

Tin, chu bakah Sport hi science aiin kan uar zawk ang tih ka hlau a ni tih kha, a dik viau a. Chuvangin kan ngaihndan pawh a in ang viau hlawn a ni mai thei a. Heta thuneitute pawhin hemi lamah hian tan an la uar hle a. Science kha a pawisa a tlem khawp mai tih kha tlemin kan hre soal hret a ni mai thei a. Hemi normal plan kal pangngai zel bakah khan kumin tan ringawt pawh hianin planah Rs 400,000 a awm a. Chuvang chuanin hemi science lam hi ngaihthah a ni love tih ka han sawilang duh bawk a ni.

Tin, High School recognition thilah board-ina thuneihna an la hi a fel tawh lo ang e tih kha a dik viau reng a. Inspector te an nei tha tawh si lova. Amaherawhchu an-mahni ngatin hei hi an thawk lova. Education Department nen thil engkim, statistical branch hemi educationah hian a awm tho a. Khangte Education Department lam atang khan a tul ang apiang ngaihtuaha tih tlan zel a ni a. Amahni ringawta thil ti tur an ni lova. Amaherawhchu dan pangngai deuhah hi chuan recognition hi chu board kutah a awm deuh thin a ni.

Tin, kan sawi tawh ang khan Bawka school la awm loh chungchangah khan a harsatna chu nichina kan sawi tawh ang kha a ni a. Chuvangin sawi nawn leh ngain ka ring lem lova.

Tin, Khawhai bial aiawh khan Aizawl College hi Government College-a sian vat a pawimawh thu te a rawn sawi a. Kan sawi ang khan hemi Pachhunga College NEHU in a lak tur chungchang te, heng thil hmasa zawk eng eng emaw ngaihtuah tur thil kha ala awm avangin heng thil pawimawh tak tak rawn sawi chungchangah hian tun hunah hi chuan kan chuti khati ang tih dinhmunah sawrkar hi a ding rih lo a ni. Ka sawi tawh ang khan Principal chungchang pawh ka sawi tawh a. Hei hi tihfel thuai tur a ni tawh bawk a, indawr mek a ni tawh bawk a ni.

Tin, office lamah officer thenkhat hnenah hna a buk luih a, thenkhatah an awm mai mai sia tih pawh hi, heng chungchang hi daihzai taka, hna insem tlanga hna chak zawka a kal theihna turin hei pawh hi hriattirna a awm nual tawh a. Amaherawhchu a tlangpui thu chuan eng engemaw harsatna a awm ve. Department ah hian kal phung a awm ve deuh hlek a. Chung chu hriat thiam atan a tha viau bawk a.

Tin, Co-operative Society chungchangah hianin a din dan fel tawh lo, mi tlemte insuihfin diat diat mai ringawt leh chhungkhat thenkhat ten pawisa thlir ngawta an din thute sawn sawilan a ni a. Hei hi a dik viau a ni awm e, report a awm nual a. Chung chu tunah hian a member an duh phawt chuan mi hnawksak, mi soal zual a ti chhe tur ngawih ngawih an nih loh

right te pawh hi ti thar leh turin tunah hian thil ruahman chhoh mek a ni.

Tin, Industry Department-a Technical Officer ina Sericulture enkawl tih chungchang vel te kha a awm nual a. Amaherawhchu khanga a chelhtu pawimawh tak officer a te kha suspend te an ni a. Khang aiawha charge rawn lak zawkte kha a ni nual a. Annahni dah nghehna reng chu a ni lova. Amaherawhchu heng bakah hian sawi neuh neuh eng eng emaw a awm a. Heng hi enfel chhoh mek zel tum a ni bawk a ni.

Tin, bungrua lei chungchangah te pawh khan an rawn sawi - Bee Keeping chungchang te, khangte pawh kha lo thlir zui zel kha thil bengvarthlak tak niin ka hria a.

Tin, UGTTI chungchanga kum hnih course tih hi hei hotute Department a mite pawhin an hria a. Sawrkarin a hria a. Thlira, enfel tura ruahman mek a ni a. Amaherawhchu kum hnih ngai ang renga an kal dawn chuan tuna an course aia an training hi a hlawkpui theihna tur leh an sawtpui theihna tur a course-a kha enggun emaw, kum khata dah leh emaw, khatiang kha enge tha ber ang tih kha chu ngaihtuah uluk a ngai viau dawn a. Chumi chungchang chu kan hma lan hna ala ni rih a. Eng ang nge hei hi ngai ang chiaha kal zel tur nge ni anga kum khata tih leh tur tih hi sawia la ha^h leh a, a dan mumal awm lova a kum hnihna pheih chu pawisa sawh khawm mai mai a tih deuh nual rawn sawi lante pawh kha, kha kha rules awm fel loh vang a ni a. Kha rules-a kha Government of India in an pawm fel tawh a. Khami ang harsatna kha tunah chuan awm leh tur chi niin a lang lova, a kum hnih chungchangah kha chuan.

Tin, member zahawm tak Tuipang bial aiawh khan H.S.L.C. Old Course ho hi vawi khat exam phal leh nise tih hi, A! hei tun lai chu Talk of the Town tih ang deuh hlek a ni a, a ri hmem hle a. Hei hi sawrkar beng pawh a thlang a. Sawrkarin enge tha ber ang tih a thlir mek lai a ni. A ti ang, a ti lovang tih sawi a har viau a. A point a tawm tawmin thil sawi tur tam tak a awm a ni.

Tin, District Education Officer Chhimituipui District-ah dah ve ni se tih chungchang hi - hei hi chu tihfel tep a ni tawh a. Sawrkarin a hria a. Tunah hian khami chungchang kha process mek a ni.

Tin, Institution reng reng Mizawlah chauh bawk khawm tir luih loh tur tihte pawh kha a dik viau a. Sawrkar thar hi chuan a tlangpuiin thingtlang lampang tih changkanna turin thil a ngaihtuah a. Rei vak loah hian chutiang sulhnu chu hmuh chhoh tur kan neih thuai ka beisei.

Tin, Sangau bial aiawh khan hna lak tur awm reng reng hemi demand hnuai ami te lak ran a tha tih hi a department ah pawh kan innawr tamna ber a ni a.

zel ka beisei a ni.

Tin, Mizawl College kan sawi tawh chungchangah khan sawlai tuna a awma hmun saw thlan ngheh a la ni lova. A school saw leh chen lo ding tawh sa han lan ngawt mai chu a dik bik kher lo mai thei a. Chuvang chuan khawi ber nge a hmun tur tih hi a buaithlak khawp mai a. Sawrkar pawhin a dap ru viau reng a ni.

Tin, Sarawm veng indoor stadium chungchang tih te pawh kha tuna a dinhmun, a awm dan thlirin chhoh a ni a. Hengte pawh hi sorkar beng a thleng tawh a ni.

Tin, helasia Khawbung bial aiawh khanin education Department he demand kan sian chhung reng reng ami thil chhui a han rawtna kha a tha viau va. Mahse a department-in heta Parliamentary member zinga mite nen Consultative member te pawh an lo awm ang a, uluk takin he thil hi kan lo thlir chho ang tih House ah pawh ka sawi duh a.

Tin, NEHU chungchangah a act sian that ngai tih kha hemi hi a ni reng a. Eng anginng e thil tih theih dan sawrkarin a lo dap baw ang a, hemi a dan chungchangah hian an act-ah hian Mizoram hi a lang ve lova. Chumi chungchangah chuan thil enge tih theih dan tunah hian kan buaipui mek a ni a. Kan lo thlir baw ang a. Chuvangin a vaia detail taka sawi tur chuan hun a tam tawh lova.

Pu Speaker, ka demand No. 19, 28 & 37 hi House member zahawn tak tak te hian ni an pawmpui ka ngen a ni.

SPEAKER : Tuna kan discuss taka kha hmanniah pawh discuss a ni tawh a. Tunah hian Minister chuan hei hi 'House-in min pawmpui ula' tiin a speech tawp-ah khan demand a rawn sian nghal a. Chuvang chuan kei Speaker chuan House-ah hian he demand hi Vote turin ka rawn pharh dawn ta a nih chu.

Saptawngin ka'n chhian hmasa ang a. The Question is that demand No. 19, 28 & 37 for Rupees seven crores sixteen lakhs 80 thousand only as per detail given para 19E of bulletin part 2 date 27th June, 1978 be passed.

Demand No. 19, 28 & 37 cheng vaibelchhe sarih naktaduai khat leh nuai ruk leh sing riat chu para 19E-na bulletin part 2 date 27th June, 1978 a rawn pharh chu pass theih nise tiin.

Hei a renti zawng zawng chuan aw in 'AYE' in ti vek ang a. A renti lo chuan 'NO' tiin, ka zawh hunah min chhang ang a. 'AYE' ti an tam chuan he demand hi passed kan puang ang.

Tunah Pu F. Malsawma Minister i/c -in a rawn nove demand hi House in kan pawmpuina entirnan tha ti zawng zawngin 'AYE' ti ang che u ('AYE' an ti a). Tha ti lo in awn chuan 'NO' (NO'ti an awm lova) demand hi passed a ni tih ka puang e.

Tunah chuan business No.4-naah lo kal leh tawh ila. Hei hi chu tunah pawh khan kan discuss tawh a. A hma pawhin kan discuss tawh a. Chuvang chuanin a copy chu memberte hnenah han sem darh phawt ni sela. Tun atangin an rawn sem ang a.

Mizoram appropriation Bill 1978 chu chu kan ngaihtuah leh dawn a ni.

Tunah a copy kan hmu vek tawh a. Minister i/c chuan he bill hi introduce-na a rawn ngaihtuah dawn em ni ? Ka'n ko ang e.

PU LALHMINGTHANGA: Pu Speaker, Mizoram Appropriation Bill 1978 hi pu lut turin House in a phal sakna ka rawn dil e.

SPEAKER : Tunah chuan Minister i/c chuan he Mizoram Appropriation Bill 1978 chu House-a introduce a rawn dil a. He House hian chu bill introduce chu a phal leh phal loh House hnenah ka zawt duh che u a. Phallo in awm chuan sawi rawh u.

PU K. SANGCHHUM : Pu Speaker, hei kumin kan pawisa hman tur chu vaibelchhe tak nga leh vaibelchhe ruk leh maktaduai hnih leh huai hnih leh singriat leh sang khat a lo ni a. A vaia sawi zawh tawh a ni a. Amaherawhchu he bill hi kan pass dawn leh dawn loh tunah hei kan Minister zahawm takin House hmaah a han pharh a. Hemi chungchangah hian a pawinawh bera chu kan pass emaw, pass lo emaw chu thu hran ni rih sela. He pawisa hi Mizoram chungga chengten a rethei ber atanga Hausa ber thlengin kan pawisa a ni a. Chu chu dik taka hman a lo nih theihna tur Mizoram tan leh mipui tan a lo tangkai theihna tura, a hman dan kalhmangah hian a hmangtu officer te leh mipui lakah te pawh eirukna, hlepukna awm lova tluang taka a nihna ang taka hman a nih theihnan kan sawrkar te hianin tan laka, chutiang taka hmangtu thei tur leh hmangtu tura vawina kan sawrkar hi a in-ready chuan he bill hi pass ka renti a ni.

SPEAKER : Bill pass leh pass loh thu ala awm lova, member zahawm tak kha ka hrilh duh a. Minister khan he bill hi introduce a rawn dil a, House hnenah Speakerin introduce in phal em tih ka zawt chauh che u a. Hei hi introduce Minister-in a rawn dil ang khanin in phalsak em tih ka han zawt che u a ni. Phalsak lo an awm lo niin ka ring a. Chuvangin Minister chu he bill hi House hmaah chuan introduce turin ka ko e.

PU LALHMINGTHANGA: Pu Speaker, he bill hi he House zahawm tak hmaah ka rawn pu lut a. A chhan chu tlen ka han sawi ang a. Mizoram U.T.-a ram awptu Lt.Governor ruahmanna dung zuia he bill hi Mizoram U.T. bupui, Mizoram rorel khawlin a lo nem ngheh tawh atanga tun kum 1.4.1978 leh 31.3.1979 inkar chhunga Mizoram Union Territory-a kawng hrang hranga pawisa hman tur siam felna atana put luh a ni.

SPEAKER : Minister chuan tuna bill kha House hmaah chuan a rawn thehluh chhan a rawn sawi tawh a. He bill hi House-ah chuan ni rei tak chai a ni tawh a. Chutah chuan a zavai thlir a lo ni tawh a. He Appropriation Bill chu tunah chuan discuss leh pawh a tul hranpa tawh lova. He bill chu member ten engmah sawi hranpa an neih tawh lohah chuan herh motion rawn theh- luh hi he House hian he bill hi consider turin, he house-ah adopt a ni tih hi ka hrilh duh che u a.
Tunah he bill hi pass turin Minister in-charge in a duh leh duh loh han sawi leh selangin.

PU LALHMINGTHANGA : Pu Speaker, he bill hi House hianin i sawi tawh ang khan, a hma lamin demand chungchang thu ah te pawh khan sawi hona nasa tak kan lo nei tawh a. Chutichuan khawngaih taka min pass sak turin ka han dil a ni.

SPEAKER : Tunah chuan Minister i/c chuan House hmaah chuan he bill pass sak turin a rawn ngen ta a. Chu chu tunah hianin vote in House hmaah passtur a nih leh nih loh chu ka pharh dawn a. Saptawngin ka'n chhiar leh ang a.
The Question is that the Mizoram Appropriation Bill 1978 be passed. Mizoram Appropriation Bill 1978 chu passed ni thei sela.

Tunah chumi pass tura a duh apiang leh renti apiang chuan awin 'AYE' in ti ang a. (Members - AYE) A renti lo te in awm chuan 'No' tih tur a ni a. Pass remti lo in awm a nih chuan 'No' ti rawh u. (No'ti an awm lova) A lawmawa khawp nai. Chuvangin House hmaah hian he Mizoram Appropriation Bill 1978 chu lungrual takin passed a ni tih ka puang e.

Member zahawm tak tak ten he session kan neih chung zawngin kan ram mipuite tan leh, kan sawrkar tan thil engemaw tih hram tumna lian tak neihna rilru pu chungin hma lama ke pen duhna rilru pu chungin thianghlim tak leh buaina reng reng awm lov-in, inhnial-na bawlhhlawh te tih tauhna bawlhhlawh te awm lovin he session kan neih chung zawng zawng hian hun chu kan lo hmanng ral thei a. Hei hi a lawmawm tak zet a.

Khawlai ti ti mai mai han sawi ta ila. Assembly neih dan phungah chuan Mizorana Presbyterian Synod Assembly leh Mizoram Legislative Assembly awmdan hi, helai discipline vawn dan te, nungchang te, a manner te, character te, khawvelah reng re ng hian a tha ber a ni tihte hi sawi a awm thin a. Chu chu a alawmawm tak zet a. Chutiang tradition Mizo fatena India ram chang pawh ni lo, khawvel ram pum pui thleng pawha, hetiang tluka Assembly-ah opposition te nena thu ho pawhin buaina awm hlek lova Mizoramin record a lo siam thei hi a lawmawm tak zet a. He tradition hi chhunzawm zel turin member duhawm tak takte ka ngen duh che u a. He house a lo awmna chhana hi Mizoram tan a ni a, Mizo nipui tan a ni a. Helai member te hi kan intihbuai chuan kan rawngbawl saka te tan khan awm ngaihna hriat a har dawn a. Chuvang chuan kan rawngbawl sak tena min duh angin kan tih theihna turin tun thleng hian vawiin ni thlengin, he House hian zahawm takin a business chu a tihtlang theih avangin lawmawm ka ti a. In zavaia chungah lawmthu ka sawi duh a.

Tin, subject reng reng discussion point-ah reng reng te pawh hmasawna development lampang turah te leh ke kan pen theihna lam turah opposition lam atangin a ni emaw, ruling lam atangin a ni emaw, kan duh dan chu inphuarna awm lo, zalen takin, democratic principle dik taka vawngin he House hi a lo kal avangin ropui ka ti a. Hetiang zel hian kan kal theihna turin Pathianin mal min sawm selang. Kan tawngtaina ni thin selang. Chu chu he House hmaah hian ka sawi theih nise. Chuvangin he House hi kan hma zawng zawngte kan lo tihtawp tak leh fel taka kan lo tih zawk tak avangin, Assembly koh a nih leh hma chu he House hi a chawlh thu ka puang e.

The House will then be adjourned sine die.

Thank you.

House adjourned : 4:37 p.m.

D.C.PANDE,
Secretary,
Mizoram Legislative Assembly

Ltp/8379